


Library

ILSAS RESOURCE CENTRE
TENAGA NASIONAL BERHAD

PERPUSTAKAAN TENAGA NASIONAL BERHAD



UNDANG-UNDANG MALAYSIA

Akta 447

AKTA BEKALAN ELEKTRIK 1990

R
351.824.11
AKT

UNDANG-UNDANG MALAYSIA

Akta 447

AKTA BEKALAN ELEKTRIK 1990

SUSUNAN SEKSYEN

BAHAGIAN I

PERMULAAN

Seksyen

1. Tajuk ringkas, mula berkuatkuasa dan pemakaian.
2. Tafsiran.

BAHAGIAN II

PERJAWATAN

3. Ketua Pengarah Bekalan Elektrik.

BAHAGIAN III

FUNGSI, TUGAS DAN KUASA KETUA PENGARAH

4. Fungsi dan tugas.
5. Kuasa memasuki dengan waran atau selainnya, memeriksa memeriksateliti, menyita, dsb.
6. Kuasa menyiasat.
7. Kebolehterimaan pernyataan.
8. Halangan, dsb. suatu kesalahan.

BAHAGIAN IV

PEPASANGAN BERLESEN DAN BERDAFTAR

9. Lesen dikehendaki bagi penggunaan pemasangan: terma, syarat dan kandungan lesen.
10. Kuasa untuk memasuki dan memeriksateliti tanah.
11. Kuasa untuk memasuki tanah bagi maksud pembinaan.
12. Talian bekalan dan kelengkapan lain di atas tanah Kerajaan.
13. Penyenggaraan, pembaikan dan peningkatan pemasangan.
14. Pengalihan atau pengubahpindaan talian bekalan, dsb.

[Susunan Seksyen]

4

AKTA 447

Seksyen

15. Kecualian bagi perjanjian izin-lalu.
16. Pampasan.
17. Pengurangan atau penghentian bekalan: liabiliti.
18. Cagaran: pengantungan dan pembatalan lesen.
19. Sekatan penggunaan untuk maksud-maksud yang dinyatakan.
20. Pengecualian kelengkapan daripada distres dan penahanan.
21. Pendaftaran pemasangan.
22. Pemeriksaan berkala pemasangan.

BAHAGIAN V

KAWALAN KOMPETEN

23. Orang-orang yang menjaga.

BAHAGIAN VI

PEMBEKALAN OLEH PEMEGANG LESEN

24. Kewajipan membekal apabila diminta.
25. Kecualian kepada kewajipan membekalkan elektrik.
26. Kuasa menentukan tarif.
27. Kuasa mendapatkan kembali perbelanjaan.
28. Kuasa menghendaki cagaran.
29. Perjanjian khas mengenai bekalan.
30. Perantuan perkhidmatan.
31. Pemastian harga maksimum bagi penjualan semula elektrik.
32. Caj bagi bekalan elektrik hendaklah ditentukan melalui meter yang sesuai.

BAHAGIAN VII

PEMBERITAHUAN KEMALANGAN ATAU KEBAKARAN

33. Kemalangan serius hendaklah dilaporkan. Penyiasatan oleh Ketua Pengarah.

BAHAGIAN VIII

SIASATAN DAN TIMBANGTARA

34. Prosedur berhubungan dengan siasatan dan timbangtara.
35. Kuasa mengadakan siasatan.
36. Timbangtara.

BAHAGIAN IX

KESALAHAN DAN PENALTI

37. Kesalahan-kesalahan.
38. Pemotongan bekalan elektrik.

Seksyen

39. Liabiliti tidak terjejas.
40. Beban pembuktian.
41. Pampasan kerana kerosakan.
42. Pendakwaan.
43. Pengkompaunan.
44. Hadiah untuk maklumat.

BAHAGIAN X

AM

45. Langkah awasan semasa melaksanakan kerja.
46. Gangguan elektrik terhadap talian pengisyarat Kerajaan.
47. Langkah awasan terhadap elektrik atmosfera.
48. Sekatan terhadap sambungan dengan bumi.
49. Prosedur dalam hal kecacatan berbahaya pada pemasangan atau bahagiannya.
50. Larangan mengambil kanak-kanak bekerja.
51. Kuasa-kuasa khas darurat.
52. Kuasa untuk mengisytiharkan sumber-sumber air.

BAHAGIAN XI

KUASA UNTUK MEMBUAT PERATURAN-PERATURAN

53. Kuasa untuk membuat peraturan-peraturan.

BAHAGIAN XII

PELBAGAI

54. Pengecualian.
55. Peruntukan peralihan dan sekatan yang dikenakan pada lesen yang dikeluarkan sebelum Akta ini.
56. Pemansuhan Akta Elektrik 1949 dan Akta Jemaah Pemeriksa Elektrik 1983 dan kecualian berkenaan dengannya.

JADUAL-JADUAL

UNDANG-UNDANG MALAYSIA

Akta 447

AKTA BEKALAN ELEKTRIK 1990

Suatu Akta untuk mengadakan peruntukan bagi perlantikan dan fungsi Ketua Pengarah Bekalan Elektrik, pembekalan elektrik pada harga yang munasabah, pelesenan pemasangan elektrik dan pengawalan pemasangan, loji dan kelengkapan elektrik mengenai perkara-perkara yang berhubungan dengan keselamatan orang dan bagi maksud-maksud yang berkaitan dengannya.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

BAHAGIAN I

PERMULAAN

1. (1) Akta ini bolehlah dinamakan Akta Bekalan Elektrik 1990 dan hendaklah mula berkuatkuasa pada tarikh yang ditetapkan oleh Menteri melalui pemberitahuan dalam *Warta*. Tajuk ringkas mula berkuatkuasa dan pemakaian.

(2) Akta ini hendaklah terpakai di seluruh Malaysia, walau bagaimanapun Menteri boleh melalui perintah menggantung penguatkuasaan keseluruhan atau mana-mana peruntukan Akta ini di mana-mana Negeri.

2. Dalam Akta ini, melainkan jika konteksnya menghendaki makna yang lain— Tafsiran

“bahaya” ertinya bahaya kepada kesihatan atau kepada nyawa atau anggota badan manusia kerana renjatan, terbakar, atau kecederaan lain dan termasuklah bahaya

kepada harta, pemasangan atau kelengkapan yang diakibatkan oleh penjanakuasaan, penghantaran, pengagihan atau penggunaan tenaga;

N.M.B.
Bab 45

“cedera parah” dan “cedera” masing-masingnya mempunyai erti yang diberikan kepadanya dalam Kanun Keseksaan;

“dengan curang” mempunyai erti yang diberikan kepadanya dalam Kanun Keseksaan;

“ditebat” ertinya disaluti atau dilindungi dengan bahan penebat;

“ditetapkan”, melainkan jika dinyatakan selainnya, ertinya ditetapkan melalui peraturan-peraturan yang dibuat di bawah seksyen 53;

Akta 139

“elektrik”, melainkan jika ditakrifkan selainnya, adalah suatu benda sebagaimana yang diperuntukkan di bawah seksyen 3 Akta Kilang dan Jentera 1967;

“hidup” atau “bertenaga”, apabila dipakai bagi sesuatu sistem atau mana-mana bahagian sesuatu sistem, ertinya bahawa voltan wujud di antara apa-apa konduktor dengan bumi atau di antara mana-mana konduktor dengan konduktor lain dalam sistem itu;

“janakuasa” ertinya mesin berputar daripada apa-apa jenis bagi menukar tenaga mekanik kepada tenaga elektrik;

“kawasan bekalan” ertinya kawasan yang dalamnya pihak berkuasa bekalan atau pemegang lesen dibenarkan untuk menjanakuasa dan/atau membekalkan tenaga;

“kelengkapan” termasuklah apa-apa barang bagi maksud-maksud seperti penjanakuasaan, penukaran, penghantaran, pengagihan atau penggunaan tenaga elektrik, seperti mesin, pengubah, radas, alat penyukat, peranti pelindung, bahan pendawaian, aksesori dan perkakas;

“keselamatan awam” ertinya penghindaran bahaya kepada orang awam, kepada harta awam dan kepada lebu, rel keretapi, lapangan terbang, pelabuhan, terusan, limbungan, dermaga, pengkalan, jambatan, kerja gas dan aputenannya serta talian telegraf, talian telefon dan talian

pengisyarat elektrik lain yang dipunyai atau dikendalikan oleh Kerajaan Persekutuan atau mana-mana Kerajaan Negeri;

“keselamatan diri” ertinya penghindaran bahaya kepada individu atau kepada harta persendirian;

“Ketua Pengarah” ertinya Ketua Pengarah Bekalan Elektrik yang dilantik di bawah Akta ini;

“konduktor” ertinya konduktor elektrik yang diatur supaya bersambung secara elektrik dengan sesuatu sistem;

“lampu awam” ertinya lampu elektrik yang digunakan untuk menerangi mana-mana lebuah atau tempat awam yang lain;

“lebuah” termasuklah apa-apa laluan, jalan, lorong, rua, medan, lapangan, gang, tempat lalu atau tanah lapang, sama ada jalan tembus atau tidak, yang di atasnya orang awam mempunyai hak lalu-lalang dan juga laluan jalan dan laluan jalan kaki di atas mana-mana jambatan awam;

“lesen” ertinya lesen yang dikeluarkan di bawah seksyen 9 dan termasuklah apa-apa lesen yang dikeluarkan di bawah mana-mana undang-undang lain yang berkuatkuasa sebelum pemasyhuran Akta ini;

“mati”, apabila dipakai bagi apa-apa sistem atau sebahagian daripada sesuatu sistem, ertinya sistem itu tidak hidup atau bertenaga;

“motor” ertinya motor daripada apa-apa jenis bagi mengubah tenaga elektrik kepada tenaga mekanik;

“orang diberikuasa” ertinya orang yang dilantik oleh pihak pengurusan atau pemunya sesuatu pemasangan, atau oleh seorang kontraktor, yang bertindak sebagai ejen untuk dan/atau bagi pihak pengurusan atau pemunya, untuk menjalankan tugas-tugas tertentu yang bersampingan dengan penjanakuasaan, penghantaran, pengagihan dan penggunaan tenaga;

Dengan syarat bahawa orang tersebut memiliki kelayakan-kelayakan yang ditetapkan bagi orang-orang yang melaksanakan tugas-tugas itu, atau jika tiada kelayakan ditetapkan, adalah kompeten bagi maksud ia diambil kerja dan beban membuktikan kekompetenan terletak pada majikan;

“orang kompeten” ertinya orang yang memegang suatu perakuan kekompetenan yang dikeluarkan oleh Ketua Pengarah untuk melaksanakan kerja mengikut sekatan-sekatan, jika ada, yang dinyatakan dalam perakuan itu;

“pemegang lesen” ertinya orang yang dilesenkan di bawah seksyen 9;

“Pendaftar” ertinya Pendaftar sebagaimana yang ditakrifkan dalam Kanun Tanah Negara;

“penebat”, apabila digunakan sebagai kata sifat untuk mencirikan apa-apa bahan, ertinya penebat dari sekian saiz, kualiti dan binaan yang, mengikut hal keadaan, dapat memberikan perlindungan yang mencukupi terhadap bahaya;

“Pengarah” ertinya pegawai yang dilantik di bawah seksyen 3 dan termasuklah Ketua Pengarah;

“penggerak utama” ertinya mesin yang membekalkan tenaga mekanik ke janakuasa;

“pengguna” ertinya orang yang dibekalkan dengan tenaga atau yang premisnya pada masa ini disambungkan bagi maksud pembekalan tenaga oleh pihak berkuasa bekalan atau pemegang lesen;

“pengubahan” ertinya pengubahan voltan daripada voltan rendah kepada voltan yang lebih tinggi atau sebaliknya;

Akta 50 05

Subah Bab 08

Sarawak

Bah 81

“Pentadbir Tanah Daerah” mempunyai erti yang diberi kepada “Pentadbir Tanah” oleh seksyen 5 Kanun Tanah Negara dan erti “Pemungut” oleh seksyen 4 Ordinan Tanah Sabah dan bagi Negeri Sarawak, “Pengarah” oleh seksyen 2 Kanun Tanah Sarawak;

“penukaran” ertinya penukaran arus ulang-alik kepada arus terus atau sebaliknya melalui cara statik atau dinamik;

“pemasangan” ertinya keseluruhan mana-mana loji atau kelengkapan di bawah satu pemunyaan atau, jika pihak pengurusan ditetapkan, orang yang menjaga pihak pengurusan itu, yang direkabentuk bagi pembekalan atau penggunaan tenaga, atau kedua-duanya, mengikut mana-mana yang berkenaan; termasuklah penggerak-penggerak utama, jika ada, berserta dengan semua loji, bangunan dan

tanah yang perlu yang berkaitan dengannya, talian paip, talian bekalan dan radas penggunaan, jika ada;

"pepasangan awam" ertinya pemasangan yang dikendalikan oleh pemegang lesen bagi membekalkan tenaga kepada mana-mana orang selain daripada pemegang lesen:

Dengan syarat bahawa pemegang lesen boleh menggunakan tenaga bagi maksud-maksudnya sendiri jika penggunaan itu konsisten dengan terma-terma lesen;

"pepasangan persendirian" ertinya pemasangan yang dikendalikan oleh pemegang lesen atau pemunya semata-mata bagi membekalkan tenaga kepada dan penggunaannya di atas harta atau premis kepunyaan pemegang lesen atau pemunya itu sendiri, atau, dalam hal seorang pengguna, yang mengambil tenaga daripada pemasangan awam atau pihak berkuasa bekalan, bagi kegunaan hanya di atas harta atau premis kepunyaan pemegang lesen atau pemunya sahaja;

"pihak berkuasa bekalan" ertinya mana-mana pihak berkuasa berkanun yang ditubuhkan oleh Akta Parlimen atau mana-mana undang-undang lain untuk menjanakusakan dan/atau membekalkan tenaga;

"pihak pengurusan" ertinya orang yang pada masa ini ditugaskan menjaga sesuatu pemasangan;

"sesalur" ertinya talian bekalan yang menerusinya tenaga dibekalkan atau boleh dibekalkan, sama ada talian itu sedang digunakan atau tidak;

"sistem" ertinya sistem elektrik yang di dalamnya semua konduktor dan kelengkapan disambungkan secara elektrik atau magnet;

"stesen janakuasa" ertinya mana-mana stesen bagi menjanakuasaan tenaga, termasuk apa-apa bangunan dan loji yang digunakan bagi maksud itu, serta tapaknya, dan termasuklah tapak yang dicadangkan untuk digunakan bagi suatu stesen janakuasa, tetapi tidak termasuk mana-mana stesen bagi pengubahan, penukaran, atau pengagihan tenaga;

"talian aerial" ertinya talian bekalan elektrik yang ditempatkan di atas paras bumi dan di tempat terbuka, dan termasuklah talian perkhidmatan;

"talian bekalan ertinya konduktor atau konduktor-konduktor atau kaedah lain untuk menyampaikan, menghantar atau mengagihkan tenaga, berserta dengan apa-apa selongsong, salutan, penutup, tiub, paip, penebat atau tiang yang mengepungi, mengelilingi atau menopangi konduktor atau kaedah itu atau mana-mana bahagiannya, atau apa-apa bangunan atau kelengkapan yang bersambung dengannya bagi maksud mengubah, menyampai, menghantar atau mengagihkan tenaga;

"talian bekalan utama" ertinya mana-mana talian bekalan voltan tinggi yang atau voltan amat tinggi bagi menghantar tenaga daripada suatu stesen janakuasa ke stesen janakuasa yang lain atau ke pencawang dan termasuklah apa-apa bangunan atau bahagian suatu bangunan yang digunakan berkaitan dengan talian bekalan sedemikian;

"tanah Negeri" tidak termasuk tanah rizab dan tanah bermilik;

"tanah rizab" ertinya tanah yang dirizabkan bagi suatu maksud awam, rizab keretapi dan hutan simpan;

"tenaga" ertinya tenaga elektrik atau elektrik apabila dijanakuasa, dihantar, diagih atau digunakan bagi apa-apa maksud kecuali bagi maksud penghantaran apa-apa komunikasi atau isyarat;

"timbangtara" ertinya timbangtara di bawah dan mengikut seksyen 36;

"voltan amat tinggi" ertinya voltan yang biasanya melebihi 3,000 volt;

"voltan tinggi" ertinya voltan yang biasanya melebihi 600 volt tetapi tidak melebihi 3,000 volt.

BAHAGIAN II

PERJAWATAN

3. (1) Menteri hendaklah melantik seorang pegawai yang digelar Ketua Pengarah Bekalan Elektrik.

(2) Maka hendaklah dilantik sekian bilangan Timbalan Ketua Pengarah, Pengarah, Timbalan Pengarah, Penolong

Pengarah dan mana-mana pegawai lain sebagaimana yang perlu bagi maksud-maksud Akta ini.

(3) Semua Timbalan Ketua Pengarah, Pengarah, Timbalan Pengarah, Penolong Pengarah dan semua pegawai yang dilantik di bawah subseksyen (2) adalah tertakluk kepada arahan dan penyeliaan Ketua Pengarah.

BAHAGIAN III

FUNGSI, TUGAS DAN KUASA KETUA PENGARAH

4. Ketua Pengarah, Timbalan Ketua Pengarah, Pengarah, Timbalan Pengarah, Penolong Pengarah Bekalan Elektrik dan mana-mana pegawai lain hendaklah menjalankan fungsi dan tugas seperti berikut:

Fungsi dan tugas.

- (a) untuk mengeluarkan lesen di bawah seksyen 9 Akta ini;
- (b) untuk menjalankan fungsi pengawalseliaan berkenaan dengan perkhidmatan mengadakan elektrik oleh pemegang lesen termasuk menentukan standard prestasi dan standard kemudahan dan perkhidmatan dan penguatkuasaannya;
- (c) untuk menggalakkan persaingan dalam penjanakuasaan dan pembekalan elektrik untuk, antara lainnya, memastikan pembekalan optimum elektrik pada harga-harga yang munasabah;
- (d) untuk memajukan kepentingan pengguna-pengguna elektrik yang dibekalkan oleh pemegang-pemegang lesen berkenaan dengan—
 - (i) harga yang akan dikenakan dan syarat-syarat lain bagi bekalan elektrik;
 - (ii) keberterusan bekalan elektrik; dan
 - (iii) kualiti perkhidmatan bekalan elektrik yang disediakan;
- (e) untuk memastikan bahawa segala tuntutan yang munasabah untuk elektrik dipenuhi;
- (f) untuk memastikan bahawa pemegang-pemegang lesen dapat membiayai perjalanan

- aktiviti-aktiviti yang dibenarkan oleh lesen-lesen mereka untuk dijalankan;
- (g) untuk menggalakkan dan mengglatkan penjanakuasaan tenaga bagi tujuan kemajuan ekonomi Malaysia;
 - (h) untuk mengawalselia lat tempoh dan cara bagaimana apa-apa pemasangan atau kelengkapan elektrik hendak diperiksa;
 - (i) untuk mencipta jenis ujian yang akan digunakan dan untuk menetapkan kelayakan dan pengalaman praktik yang minimum bagi apa-apa maksud menurut Akta ini;
 - (j) untuk menyiasat apa-apa kemalangan atau kebakaran yang melibatkan apa-apa pemasangan elektrik;
 - (k) untuk mengadakan peruntukan, jika perlu, mengenai pendaftaran apa-apa pemasangan, mana-mana kontraktor, pengilang dan pengimport bahan elektrik, dan mana-mana orang kompeten;
 - (l) untuk menetapkan standard dan spesifikasi minimum dan menaksirkan serta meluluskan, jika perlu, apa-apa pemasangan atau kelengkapan elektrik;
 - (m) untuk menjalankan segala aktiviti lain sebagaimana yang ternyata kepada Ketua Pengarah adalah dikehendaki, berfaedah atau mudah bagi maksud menjalankan atau berkaitan dengan pelaksanaan fungsi dan tugasnya di bawah Akta ini.

Kuasa memasuki dengan waran atau selainnya, memeriksa, memeriksateliti, menyita, dsb.

5. (1) Seseorang Pengarah boleh, bagi maksud-maksud menunaikan mana-mana tugasnya atau menjalankan mana-mana fungsinya di bawah Akta ini atau mana-mana peraturan yang dibuat di bawahnya, atau selainnya bagi apa-apa maksud Akta ini atau mana-mana peraturan, memasuki mana-mana tanah, rumah atau bangunan dengan atau tanpa bekalan tenaga, pada bila-bila masa munasabah, untuk memeriksa dan memeriksateliti mana-

mana bahagian sesuatu pemasangan atau kelengkapan, atau untuk sebab berpatutan yang lain.

(2) Dalam tiap-tiap hal di mana maklumat diberikan atas sumpah kepada mana-mana majistret bahawa terdapat sebab yang munasabah untuk mengesyaki bahawa dalam mana-mana tanah, rumah atau bangunan terdapat apa-apa benda, barang, buku, dokumen, pemasangan atau bahagiannya yang digunakan atau dicadangkan hendak digunakan yang berhubungan dengannya apa-apa kesalahan telah dilakukan di bawah Akta ini, majistret itu hendaklah mengeluarkan suatu waran di bawah tandatangannya yang menurut kuasa waran itu mana-mana Pengarah atau pegawai polis yang berpangkat tidak rendah daripada Inspektor yang dinamakan atau disebut dalam waran itu boleh memasuki tanah, rumah atau bangunan itu pada bila-bila masa yang munasabah pada waktu siang atau malam, dan menggeledah dan menyita atau melakkan mana-mana benda, barang, buku, dokumen, pemasangan atau bahagiannya itu:

Dengan syarat bahawa jika seorang Pengarah atau pegawai polis yang berpangkat tidak rendah daripada Inspektor berpuas hati atas maklumat yang diterima bahawa dia mempunyai alasan yang munasabah bagi mempercayai bahawa atas sebab kelengahan untuk mendapatkan waran geledah, apa-apa benda, barang, buku, dokumen, pemasangan atau bahagiannya yang digunakan untuk melakukan atau yang akan digunakan untuk melakukan suatu kesalahan di bawah Akta ini berkemungkinan dialihkan atau dimusnahkan, dia boleh memasuki tanah, rumah atau bangunan itu tanpa waran dan menyita atau melakkan mana-mana benda, barang, buku, dokumen, pemasangan atau bahagiannya dari dalam tanah, rumah atau bangunan itu.

(3) Seorang Pengarah atau pegawai polis yang berpangkat tidak rendah daripada Inspektor yang membuat pengeledahan itu boleh menyita apa-apa benda, barang, buku, dokumen, pemasangan atau bahagiannya yang digunakan atau dicadangkan untuk digunakan atau yang boleh digunakan untuk maksud melakukan suatu kesalahan di bawah Akta ini dan jika benda, barang, buku, dokumen, pemasangan atau bahagiannya itu disita, dia

hendaklah mengemukakannya di hadapan majistret, dan apabila dikemukakan, majistret hendaklah mengarahkan benda, barang, buku, dokumen, pemasangan atau bahagiannya itu disimpan dalam jagaan Pengarah atau polis bagi maksud apa-apa penyiasatan atau pendakwaan di bawah Akta ini.

(4) Mana-mana Pengarah atau pegawai polis yang berpangkat tidak rendah daripada Inspektor boleh pada menjalankan kuasa-kuasanya di bawah subseksyen (2) atau (3), jika didapati perlu untuk berbuat demikian—

- (a) memecahkan apa-apa pintu luar atau dalam rumah kediaman atau mana-mana premis lain dan memasukinya;
- (b) dengan menggunakan kekerasan memasuki tempat itu dan tiap-tiap bahagiannya;
- (c) mengalihkan dengan menggunakan kekerasan apa-apa galangan kepada kemasukan, penggeledahan, penyitaan dan pengalihan yang dia diberi kuasa untuk melaksanakan; dan
- (d) menahan tiap-tiap orang yang dijumpai di tempat itu sehingga tempat itu telah digeledah.

(5) Pengarah atau pegawai polis yang berpangkat tidak rendah daripada Inspektor yang menyita apa-apa benda, barang, buku, dokumen, pemasangan atau bahagiannya di bawah subseksyen (2) atau (3) hendaklah menyediakan suatu senarai barang-barang yang disita dan dengan sertamerta menghantARSERAH suatu salinan yang ditandatangani olehnya kepada penduduk, atau ejen atau pengkhidmat penduduk itu yang berada di premis itu dan jika premis itu tidak diduduki, Pengarah atau pegawai polis itu hendaklah di mana-mana mungkin menampalkan suatu senarai barang-barang yang disita di premis itu.

(6) Seorang Pengarah hendaklah pada setiap masa membawa suatu kad pengenalan atau lencana rasmi dalam apa-apa bentuk yang ditetapkan, dan tiada seorang pun boleh diwajibkan untuk membenarkan mana-mana orang yang mengaku dirinya sebagai seorang Pengarah memasuki tanah, rumah atau bangunannya kecuali apabila kad pengenalan atau lencana itu dikemukakan.

6. (1) Mana-mana Pengarah hendaklah mempunyai kuasa menyiasat perlakuan apa-apa kesalahan di bawah Akta ini atau mana-mana peraturan yang dibuat di bawahnya.

Kuasa menyiasat.

(2) Mana-mana Pengarah boleh, berhubungan dengan apa-apa penyiasatan berkenaan dengan apa-apa kesalahan yang dilakukan di bawah Akta ini atau mana-mana peraturan yang dibuat di bawahnya, menjalankan kuasa-kuasa khas berhubungan dengan penyiasatan polis kecuali bahawa kuasa untuk menangkap tanpa waran yang diberikan oleh Kanun Prosedur Jenayah bagi mana-mana kesalahan boleh tangkap tidaklah boleh dijalankan olehnya.

N.M.B.
Bab 6

7. (1) Walau apa pun peruntukan-peruntukan mana-mana undang-undang bertulis yang berlawanan, jika seseorang dipertuduh atas suatu kesalahan di bawah Akta ini apa-apa pernyataan, sama ada pernyataan itu menjadi suatu pengakuan salah atau tidak atau sama ada ia berbentuk lisan atau bertulis, dibuat pada bila-bila masa, sama ada sebelum atau selepas orang itu dipertuduh dan sama ada dalam perjalanan penyiasatan di bawah Akta ini atau tidak dan sama ada atau tidak pada keseluruhannya atau sebahagiannya sebagai jawapan kepada soalan, oleh orang itu kepada atau dalam pendengaran seorang Pengarah dan sama ada atau tidak diterjemahkan kepadanya oleh seorang Pengarah atau mana-mana orang lain yang berkenaan atau tidak dalam kes itu, hendaklah menjadi boleh terima diperbicaraannya sebagai keterangan dan, jika orang itu mengemukakan dirinya sebagai saksi, apa-apa pernyataan sedemikian boleh digunakan dalam pemeriksaan balas dan bagi maksud mencabar kebolehpercayaannya:

Kebolehterimaan pernyataan

Dengan syarat bahawa—

(a) tiada pernyataan sedemikian boleh menjadi boleh terima atau digunakan seperti yang disebut terdahulu—

(i) jika ternyata kepada mahkamah bahawa pembuatan pernyataan itu telah disebabkan oleh apa-apa dorongan, ancaman atau janji yang mempunyai

kaitan dengan pertuduhan terhadap orang itu yang datangnya daripada orang yang berkuasa dan mencukupi pada pendapat mahkamah untuk memberi seseorang alasan yang akan ternyata kepadanya munasabah bagi menyangkakan bahawa dengan membuat pernyataan itu dia boleh mendapat apa-apa kebaikan atau mengelakkan apa-apa keburukan ke-duniaan yang mempunyai kaitan dengan prosiding terhadapnya itu; atau

- (ii) dalam hal suatu pernyataan yang dibuat oleh orang itu selepas penangkapannya, melainkan jika mahkamah berpuas hati bahawa dia telah diberi amaran mengikut perkataan-perkataan yang berikut atau perkataan-perkataan yang mempunyai kesan yang serupa:

“Adalah menjadi kewajipan saya memberi amaran kepada anda bahawa anda tidak diwajibkan untuk mengatakan apa-apa jua pun atau untuk menjawab apa-apa soalan tetapi apa-apa jua yang anda katakan, sama ada sebagai jawapan kepada sesuatu soalan atau tidak, boleh diberi sebagai keterangan.”; dan

- (b) suatu pernyataan yang dibuat oleh mana-mana orang sebelum ada masa untuk memberi amaran kepadanya tidaklah menjadi tak boleh terima sebagai keterangan semata-mata kerana dia tidak diberi amaran jika dia diberi amaran dengan seberapa segera yang mungkin.

Halangan,
dsb. suatu
kesalahan.

8. Mana-mana orang yang—

- (a) tidak membenarkan mana-mana Pengarah atau pegawai polis yang berpangkat tidak rendah daripada Inspektor akses kepada mana-mana tempat;
- (b) menyerang, menggalang, menghalang atau melengahkan mana-mana Pengarah atau pegawai

polis yang berpangkat tidak rendah daripada Inspektor dalam melaksanakan apa-apa kemasukan yang dia berhak melaksanakan di bawah Akta ini, atau dalam penyempurnaan apa-apa tugas yang dikenakan atau kuasa yang diberikan oleh Akta ini;

(c) enggan memberi kepada mana-mana Pengarah atau pegawai polis yang berpangkat tidak rendah daripada Inspektor apa-apa maklumat yang berhubungan dengan sesuatu kesalahan atau kesalahan yang disyaki di bawah Akta ini atau apa-apa maklumat lain yang dengan munasabahnyanya mungkin dikehendaki daripadanya dan yang ada dalam pengetahuannya atau yang dia mempunyai kuasa untuk memberi; atau

(d) dengan disedarinya memberikan maklumat palsu,

adalah melakukan suatu kesalahan dan apabila disabitkan, boleh dikenakan denda tidak melebihi lima ribu ringgit atau penjara selama tempoh tidak melebihi dua tahun atau kedua-duanya.

BAHAGIAN IV

PEPASANGAN BERLESEN DAN BERDAFTAR

9. (1) Tertakluk kepada apa-apa pengecualian yang ditetapkan, tiada seorang pun, selain daripada pihak berkuasa bekalan, boleh—

Lesen dikehendaki bagi penggunaan pemasangan, terma, syarat dan kandungan lesen.

(a) menggunakan, mengerjakan atau mengendalikan atau membenarkan diguna, dikerja atau dikendalikan apa-apa pemasangan; atau

(b) membekalkan tenaga daripada mana-mana pemasangan kepada atau bagi kegunaan mana-mana orang lain,

kecuali di bawah dan mengikut terma-terma sesuatu lesen yang membenarkan dengan nyata pembekalan atau penggunaan itu, mengikut mana-mana yang berkenaan.

(2) Lesen boleh diberikan oleh Ketua Pengarah dengan kelulusan Menteri apabila dibayar apa-apa fee dan atas

apa-apa syarat sebagaimana yang ternyata dikehendaki atau suaimanfaat memandangkan tugas-tugas yang dikenakan oleh seksyen 4.

(3) Tiada lesen boleh dipindahmilik melainkan jika keizinan bertulis Menteri telah diberikan.

(4) Tempoh lesen adalah selama apa-apa tempoh yang diluluskan oleh Ketua Pengarah dalam setiap satu hal:

Dengan syarat bahawa, tanpa kelulusan nyata daripada Menteri, tiada lesen boleh mempunyai tempoh melebihi dua puluh satu tahun.

(5) Tempoh lamanya apa-apa lesen hendaklah dinyatakan di dalamnya.

(6) Apa-apa lesen bagi suatu pemasangan awam hendaklah menyatakan—

(a) kawasan bekalan;

(b) voltan yang ditentukan dan variasi yang dibenarkan daripadanya;

(c) caj maksimum yang kena dibayar oleh pengguna; dan

(d) apa-apa perkara lain sebagaimana yang difikirkan perlu oleh Ketua Pengarah.

Kuasa untuk memasuki dan memeriksa teliti tanah.

10. (1) Bilamasa ternyata kepada pemegang lesen bahawa akan menjadi perlu baginya untuk menjalankan kuasa-kuasa yang diberikan kepadanya oleh Akta ini berkenaan dengan mana-mana tanah selain daripada tanah Negeri bagi maksud membina suatu pemasangan atau sebahagian daripada suatu pemasangan, pemegang lesen atau mana-mana orang diberikuasa oleh pemegang lesen bagi maksud itu boleh, selepas memberikan notis, tidak kurang daripada dua puluh empat jam kepada penduduk tanah itu, jika ada, memasuki tanah itu dan membuat pengukuran dan mengambil aras dan melakukan segala perbuatan lain yang perlu untuk memastikan kesesuaian tanah, setakat yang mungkin tanpa menyebabkan kerosakan atau gangguan.

(2) Tiada apa-apa jua yang terkandung di dalam seksyen ini boleh disifatkan sebagai membenarkan mana-mana orang memotong atau membuang apa-apa tumbuhan atau apa-apa pagar atau binaan lain atau memasuki mana-mana bangunan atau apa-apa kepungan yang dipasang pada mana-mana bangunan.

(3) Dalam hal tanah rizab, notis di bawah subseksyen (1) boleh diberikan kepada pegawai atau mana-mana orang lain yang menjaga tanah rizab itu atau, jika tidak ada mana-mana pegawai atau orang itu, kepada Pentadbir Tanah Daerah.

11. (1) Tertakluk sebagaimana yang diperuntukkan kemudian daripada ini, bilamasa perlu berbuat demikian bagi maksud memasang apa-apa sistem pengagihan tenaga di bawah Akta ini, pemegang lesen boleh meletakkan, menempatkan atau membawa di atas, di bawah atau melewati mana-mana tanah, selain daripada tanah Negeri, apa-apa tiang dan kelengkapan lain yang perlu atau wajar bagi maksud-maksud pemasangan berlesen, mengikut mana-mana yang berkenaan, dan boleh mengambil apa-apa tindakan lain yang perlu untuk menjadikan pemasangan itu selamat dan cekap, membayar pampasan penuh mengikut seksyen 16 kepada semua orang yang berkepentingan kerana apa-apa gangguan, kerosakan atau ketakupayaan yang mungkin disebabkan olehnya dan pampasan itu boleh termasuk bayaran tahunan bagi tanah yang digunakan bagi maksud tiang atau kelengkapan lain itu.

Kuasa untuk memasuki tanah bagi maksud pembinaan.

(2) Sebelum memasuki mana-mana tanah bagi maksud yang dinyatakan dalam subseksyen (1), pemegang lesen hendaklah memberi notis yang menyatakan, dengan sepenuhnya dan setepatnya yang mungkin, jenis dan takat tindakan-tindakan yang dicadangkan hendak dilakukan. Notis itu hendaklah pada sebahagian besarnya dalam bentuk yang dinyatakan dalam Jadual Pertama dan Pentadbir Tanah Daerah hendaklah menyatakan tarikh Pihak Berkuasa Negeri akan menyiasat apa-apa bantahan yang mungkin telah dibuat sebagaimana yang diperuntukkan kemudian daripada ini.

(3) Notis yang disebut terdahulu hendaklah diberikan—

- (a) dalam hal tanah bermilik, kepada pemunya atau penduduk;
- (b) dalam hal tanah rizab, kepada pegawai atau orang lain yang menjaga tanah rizab itu atau, jika tidak ada mana-mana pegawai atau orang itu, kepada Pentadbir Tanah Daerah,

dan boleh dihantar melalui pos berdaftar atau ditinggalkan di tempat tinggal biasa atau yang akhir sekali diketahui bagi orang yang kepadanya notis itu hendak diberikan atau disampaikan oleh pemegang lesen atau Pentadbir Tanah Daerah atas perbelanjaan pemegang lesen, sama ada mengikut cara yang diperuntukkan terdahulu daripada ini atau mengikut cara yang diperuntukkan bagi penyampaian notis melalui mana-mana undang-undang bertulis yang berhubungan dengan tanah yang berkuatkuasa dalam Negeri di mana tanah itu terletak.

(4) Mana-mana orang yang disebut dalam subseksyen (3) boleh, dalam masa empat belas hari selepas penerimaan notis yang disebut di dalam subseksyen itu, menyerahkan suatu bantahan terhadap tindakan-tindakan yang dicadangkan oleh pemegang lesen. Bantahan itu boleh dibuat kepada Pentadbir Tanah Daerah, sama ada secara lisan atau bertulis, dan Pentadbir Tanah Daerah hendaklah memberi notis mengenai bantahan itu kepada Pihak Berkuasa Negeri dan kepada pemegang lesen.

(5) Jika tiada bantahan diserahkan dalam masa yang dihadkan bagi maksud itu oleh subseksyen (4), pemegang lesen boleh dengan serta-merta memasuki tanah itu dan melakukan segala atau mana-mana tindakan yang dinyatakan dalam notis yang diberikan di bawah subseksyen (2).

(6) Jika bantahan diserahkan dan tidak ditarik balik sebelum tarikh yang ditentukan bagi pendengarannya, Pentadbir Tanah Daerah hendaklah mengadakan suatu siasatan, dengan memberi semua pihak peluang untuk didengar.

(7) Apabila tamatnya siasatan itu, Pentadbir Tanah Daerah boleh, sama ada tanpa syarat atau tertakluk kepada apa-apa terma, syarat dan ketentuan yang difikirkannya patut, membuat perintah yang membenarkan atau melarang mana-mana tindakan yang disebut dalam notis yang diberi di bawah subseksyen (2). Perintah itu hendaklah pada sebahagian besarnya dalam bentuk yang dinyatakan dalam Jadual Kedua:

Dengan syarat bahawa mana-mana orang yang tidak berpuas hati dengan perintah Pentadbir Tanah Daerah boleh dalam masa dua puluh satu hari selepas perintah itu merayu terhadap perintah sedemikian kepada Pihak Berkuasa Negeri yang kemudiannya boleh mengesahkan, mengetepikan atau mengubah perintah itu atas apa-apa terma, syarat dan ketentuan yang difikirkannya patut.

(8) Pihak Berkuasa Negeri boleh, jika difikirkannya patut, sebagai ganti daripada membuat suatu perintah di bawah subseksyen (7), mengarahkan pengambilan mana-mana tanah atau bahagian mana-mana tanah yang termasuk dalam notis yang diberikan di bawah subseksyen (2).

(9) Keputusan Pihak Berkuasa Negeri di bawah seksyen ini adalah muktamad.

(10) Walau apa pun mana-mana undang-undang yang berhubungan dengan perkara-perkara mengenai tanah, Pendaftar—

(a) apabila dikemukakan kepadanya notis yang dikeluarkan oleh pemegang lesen di bawah subseksyen (2) berserta dengan pernyataan oleh Pentadbir Tanah Daerah bahawa tiada bantahan telah diserahkan oleh mana-mana orang yang disebut dalam subseksyen (3); atau

(b) apabila dikemukakan kepadanya salinan asal perintah yang dibuat di bawah subseksyen (7) dan apabila salinan terperaku bagi perintah itu disimpan dengannya,

hendaklah menyebabkan suatu nota mengenai kewujudan hak-hak di bawah notis atau perintah itu dibuat pada dokumen hakmilik daftaran yang berhubungan dengan

tanah yang terjejas oleh notis atau perintah itu, mengikut mana-mana yang berkenaan.

Talian
bekalan dan
kelengkapan
lain di atas
tanah
Kerajaan.

12. (1) Tertakluk kepada kelulusan Pihak Berkuasa Negeri dan kepada apa-apa syarat sebagaimana yang disifatkan wajar oleh Pihak Berkuasa Negeri, suatu lesen boleh membenarkan pemegang lesen meletakkan, menempatkan atau membawa, di atas, di bawah atau melewati tanah Negeri, pada takat dan mengikut cara yang dinyatakan dalam lesen, apa-apa talian bekalan dan mendirikan dan menyenggarakan dalam atau atas tanah Negeri apa-apa tiang dan kelengkapan lain sebagaimana yang didapati perlu atau patut oleh Ketua Pengarah bagi maksud-maksud pemasangan berlesen, dan tertakluk sentiasa kepada kelulusan Pihak Berkuasa Negeri, kebenaran tersebut boleh diberikan atau ditambahkan pada bila-bila masa dalam tempoh sah lesen dengan cara pengendorsan padanya di bawah tandatangan Ketua Pengarah.

(2) Segala kelengkapan yang ditempatkan dalam atau atas tanah Negeri yang tidak dialihkan daripadanya dalam masa enam bulan, atau apa-apa tempoh yang lebih lama sebagaimana yang dibenarkan oleh Kerajaan Negeri, selepas habisnya tempoh atau penamatan awal lesen yang di bawah kebenarannya kelengkapan itu ditempatkan sedemikian, hendaklah terletak pada dan menjadi harta Kerajaan Negeri yang dalamnya kelengkapan itu terletak.

Penyeng-
garaan,
pembaikan
dan
peningkatan
pemasangan.

13. Bilamasa perlu berbuat demikian bagi maksud menyenggarakan, membaiki atau meningkatkan mana-mana pemasangan berlesen atau mana-mana bahagian daripadanya, pemegang lesen, atau mana-mana orang yang diberikuasa olehnya bagi maksud itu, boleh pada bila-bila masa yang munasabah memasuki mana-mana tanah yang di atas, di bawah atau melewatinya talian bekalan telah diletakkan, ditempatkan atau dibawa, atau yang di atasnya tiang atau kelengkapan lain telah didirikan, dan boleh menjalankan segala pembaikan yang perlu, dan boleh, dalam menjalankannya, menebang atau mencantas pokok, membuang tumbuhan dan melakukan segala perkara lain yang perlu bagi maksud tersebut, dengan menyebabkan seberapa sedikit kerosakan yang

mungkin dan membayar pampasan penuh mengikut seksyen 16 kepada semua orang yang berkepentingan kerana apa-apa kerosakan yang mungkin disebabkan olehnya yang pampasan baginya belum lagi ditaksirkan di bawah seksyen 11.

14. (1) Jika talian bekalan telah diletakkan, atau tiang atau kelengkapan didirikan, di atas mana-mana tanah di bawah seksyen 11, dan jika mana-mana orang yang disebut dalam seksyen 11 (3) berhasrat untuk menggunakan tanah itu mengikut cara yang menjadikannya perlu atau wajar supaya talian, tiang atau kelengkapan itu dialihkan ke bahagian lain tanah itu, atau ke tanah yang arasnya adalah lebih tinggi atau lebih rendah, atau diubahpinda bentuknya, maka dia boleh menghendaki pemegang lesen mengalihkan atau mengubahpinda talian, tiang atau kelengkapan itu dengan sewajarnya.

Pengalihan
atau
pengubah-
pindaan
talian bekalan,
dsb

(2) (a) Jika pemegang lesen tidak mematuhi kehendak itu, orang itu boleh memohon secara bertulis kepada Pihak Berkuasa Negeri yang boleh, menurut budi bicaranya, selepas menyiasat segala fakta hal itu, menolak permohonan itu atau membuat suatu perintah, sama ada secara mutlak atau tertakluk kepada syarat-syarat tertentu, bagi pengalihan atau pengubahpindaan talian, tiang atau kelengkapan itu. Perintah itu hendaklah mengadakan peruntukan mengenai pembayaran kos melaksanakan pengalihan atau pengubahpindaan oleh pemegang lesen atau oleh orang yang membuat permohonan, sebagaimana yang Pihak Berkuasa Negeri berpendapat adalah saksama mengikut hal keadaan hal itu.

(b) Pihak Berkuasa Negeri boleh, daripada menyiasat sendiri hal itu di bawah subseksyen ini, mengarahkan Pentadbir Tanah Daerah untuk membuat apa-apa siasatan bagi pihaknya dan untuk membuat syor-syor kepadanya.

(3) Bilamasa Pihak Berkuasa Negeri telah membuat suatu perintah bagi pengalihan atau pengubahpindaan mana-mana talian bekalan utama, pemegang lesen boleh, daripada mengalihkan atau mengubahpinda talian bekalan itu, memohon kepada Pihak Berkuasa Negeri untuk mengarahkan pengambilan tanah sedemikian sebagai-

mana yang dikehendaki bagi maksud-maksud talian itu, dan Pihak Berkuasa Negeri boleh mengarahkan pengambilan itu dengan sewajarnya.

(4) Bilamasa Pihak Berkuasa Negeri diberikuasa oleh seksyen ini untuk mengarahkan pengambilan mana-mana tanah, pemasangan berlesen hendaklah disifatkan sebagai suatu kerja kemudahan awam dan mana-mana undang-undang bertulis yang berhubungan dengan pengambilan tanah yang sedang berkuatkuasa di dalam Negeri di mana tanah itu terletak hendaklah dikuatkuasakan dengan sewajarnya.

(5) Bilamasa talian bekalan telah diletakkan, atau tiang atau kelengkapan didirikan, atas tanah Negeri oleh pemegang lesen dan tanah itu kemudiannya diberimilik kepada mana-mana orang, pemunya atau penduduk tanah itu boleh, melainkan jika terma-terma pemberimilikan itu secara nyata memperuntukkan selainnya, menghendaki pengalihan talian bekalan itu ke bahagian lain tanah itu, atau ke tanah yang arasnya adalah lebih tinggi atau lebih rendah, atau pengubahpindaan talian, tiang atau kelengkapan itu, dan subseksyen (1) hingga (4) hendaklah terpakai bagi apa-apa kehendak sedemikian:

Dengan syarat bahawa kos melaksanakan pengalihan atau pengubahpindaan itu hendaklah dibayar oleh orang yang berkehendakkan pengalihan atau pengubahpindaan itu.

Kecualian
bagi
perjanjian
izin-lalu.

15. (1) Tiada apa-apa jua dalam seksyen 11 atau seksyen 14 boleh—

(a) menyetuh hak pemegang lesen untuk membuat suatu perjanjian, yang umumnya dikenali sebagai perjanjian izin-lalu, dengan pemunya atau penduduk mana-mana tanah bagi maksud membawa talian bekalan merintang tanah itu; atau

(b) menyetuh apa-apa perjanjian izin-lalu sedemikian yang ada pada mula berkuatkuasanya Akta ini.

(2) Walau apa pun mana-mana undang-undang bertulis yang berhubungan dengan tanah, Pendaftar, apabila

dikemukakan kepadanya salinan asal dan disimpan dengannya salinan terperaku bagi apa-apa perjanjian sedemikian yang disebut dalam subseksyen (1), hendaklah menyebabkan suatu nota mengenai kewujudan perjanjian izin-lalu itu dibuat pada dokumen hakmilik daftaran yang berhubungan dengan tanah yang terlibat dengan perjanjian izin-lalu itu.

(3) Jika suatu perjanjian izin-lalu berhubungan dengan tanah yang adalah suatu tanah pegangan yang termasuk dalam Daftar Interim—

(a) subseksyen (2) hendaklah terpakai seolah-olah “Pendaftar” dan “dokumen hakmilik daftaran” masing-masingnya telah digantikan dengan “Pesuruhjaya” dan “folio berkenaan Daftar Interim”; dan

(b) apabila dokumen hakmilik tetap dikeluarkan bagi tanah itu di bawah seksyen 39 Akta Kanun Tanah Negara (Hakmilik Pulau Pinang dan Melaka) 1963, apa-apa nota yang dibuat menurut subseksyen itu sebagaimana yang diubah oleh perenggan (a) hendaklah (jika ia masih berkuatkuasa sebelum sahaja pengeluaran dokumen itu) dicatatkan oleh Pesuruhjaya pada dokumen hakmilik daftaran dan hendaklah terus berkuatkuasa seolah-olah ia telah dicatatkan di bawah subseksyen itu. Akta 2 63

(4) Selagi masih terdapat suatu nota yang dibuat menurut subseksyen (2) atau (3) pada dokumen hakmilik daftaran atau folio berkenaan Daftar Interim, segala urusan berkenaan dengan tanah yang dimaksudkan oleh nota itu hendaklah disifatkan tertakluk kepada hak pemegang lesen di bawah dan menurut kuasa perjanjian izin-lalu yang berkenaan dengannya nota itu telah dibuat.

(5) Jika nota atau pendaftaran suatu perjanjian izin-lalu yang dibuat sebelum 1hb Januari 1966 menurut subseksyen (2) atau (3) sebagaimana yang berkuatkuasa pada masa itu masih berkuatkuasa sebelum tarikh itu, maka, bagi maksud-maksud subseksyen (4)—

(a) ia hendaklah dikira sebagai nota yang dibuat menurut subseksyen (2); atau

(b) jika ia berhubungan dengan tanah yang termasuk sebagai suatu tanah pegangan dalam Daftar Interim, ia hendaklah dicatatkan pada folio berkenaan Daftar Interim dan hendaklah dikira sebagai nota yang dibuat menurut subseksyen (3).

(6) Dalam seksyen ini—

“Pesuruhjaya” dan “Daftar Interim” masing-masingnya mempunyai erti yang diberi kepadanya oleh Akta Kanun Tanah Negara (Hakmilik Pulau Pinang dan Melaka) 1963.

Pampasan

16. (1) Amaun pampasan, jika ada, yang kena dibayar di bawah seksyen 11 atau 13 hendaklah ditaksirkan oleh Pentadbir Tanah Daerah selepas apa-apa siasatan sebagaimana yang difikirkannya mencukupi. Taksiran itu hendaklah pada sebahagian besarnya mengikut bentuk yang dinyatakan dalam Jadual Ketiga:

Dengan syarat selanjutnya bahawa tiada pampasan kena dibayar oleh pemegang lesen berkenaan dengan apa-apa pokok dalam jarak lima puluh kaki dari garis tengah sesuatu jalan yang dibina atau disenggarakan oleh Kerajaan Negeri atau oleh mana-mana pihak berkuasa tempatan melainkan jika dibuktikan bahawa pokok itu telah sedia ada sebelum pembinaan jalan itu.

(2) Mana-mana orang yang terkilan dengan taksiran Pentadbir Tanah Daerah boleh dalam masa dua puluh satu hari selepas taksiran itu merayu kepada Pihak Berkuasa Negeri yang keputusannya adalah muktamad.

Pengurangan
atau
pemberhentian
bekalan
liabiliti.

17. (1) Mana-mana pemegang lesen boleh mengurangkan, sebagaimana yang difikirkannya patut, kuantiti tenaga yang dibekalkan kepada mana-mana pengguna jika disebabkan oleh apa-apa hal keadaan yang di luar jangkaan tenaga yang dijanakusakan tidak mencukupi untuk membolehkan kuantiti sepenuhnya dibekalkan dengan mudah.

(2) Jika kuantiti tenaga telah dikurangkan seperti yang disebut terdahulu—

(a) tiada liabiliti boleh dilakukan oleh pemegang lesen berkenaan dengan apa-apa kerugian atau

kerusakan yang disebabkan oleh pengurangan itu;
dan

(b) dalam hal-hal yang wajar, suatu potongan pada
caj bagi bekalan tenaga hendaklah dibuat
berkadaran dengan pengurangan yang dibuat.

(3) Mana-mana pemegang lesen tidaklah bertanggung bagi apa-apa kerosakan kepada mana-mana orang atau apa-apa harta atau bagi apa-apa pemberhentian bekalan tenaga yang mungkin disebabkan oleh kemalangan yang tidak dapat dielakkan, rosak rosot biasa atau beban berlebihan diakibatkan oleh sambungan kelengkapan yang tidak dibenarkan, atau disebabkan oleh kehendak munasabah sistem itu, atau disebabkan oleh kecacatan pada mana-mana pemasangan yang tidak disediakan oleh pemegang lesen, tetapi hanya akan bertanggung apabila kerosakan atau pemberhentian itu jelas kelihatan sebagai telah diakibatkan oleh kecuaiian di pihak orang-orang yang diambil kerja oleh pemegang lesen, ejen atau pengkhidmatnya, mengikut mana-mana yang berkenaan, atau diakibatkan oleh pembinaan tak sempurna pemasangan itu oleh pemegang lesen.

18. (1) Sebelum mengeluarkan apa-apa lesen, Ketua Pengarah boleh menghendaki apa-apa cagaran sebagaimana yang dinyatakan olehnya diberikan bagi pematuhan yang wajar akan terma-terma dan syarat-syarat lesen dan Akta ini.

Cagaran:
penggantungan
dan pembatalan
lesen

(2) Suatu lesen boleh pada bila-bila masa digantung atau dibatalkan oleh Ketua Pengarah atas pelanggaran mana-mana syarat lesen atau keingkaran membayar apa-apa wang yang terakru kena dibayar di bawahnya, atau jika pemegang lesen berhenti mengerjakan atau mengendalikan pemasangan yang berkenaan dengannya lesen itu telah diberi:

Dengan syarat bahawa, jika lesen telah digantung atau dibatalkan atas alasan bahawa pemegang lesen telah berhenti mengerjakan atau mengendalikan sesuatu pemasangan, pemegang lesen boleh, jika dia berpendapat bahawa dia telah menanggung atau akan menanggung kesusahan tak berpatutan disebabkan oleh penggantungan

atau pembatalan itu, merayu kepada Menteri terhadap penggantungan atau pembatalan itu, dan keputusan Menteri mengenai rayuan itu adalah muktamad.

(3) Pemegang lesen tidaklah berhak kepada pampasan kerana apa-apa kerugian yang disebabkan kepadanya oleh penggantungan atau pembatalan lesen di bawah seksyen ini.

(4) Apabila tamatnya sesuatu lesen, pemegang lesen hendaklah mengalihkan pemasangan dan kelengkapannya dalam masa tiga bulan dari tarikh penamatan itu, yang kegagalannya hendaklah menjadikan pemegang lesen bertanggung bagi segala apa jua pun kos yang dilakukan dalam mengalihkannya dan kos itu boleh didapati kembali daripada cagaran yang didepositkan (jika ada) di bawah subseksyen (1).

Sekatan penggunaan untuk maksud-maksud yang dinyatakan.

19. Seorang pemegang lesen yang, melalui syarat-syarat lesennya, disekat untuk menggunakan atau membekalkan tenaga bagi maksud-maksud yang dinyatakan sahaja, tidak boleh menggunakan atau membekalkan tenaga bagi apa-apa maksud selain daripada maksud-maksud yang dinyatakan sedemikian.

Pengecualian kelengkapan daripada distres dan penahanan.

20. Apabila apa-apa kelengkapan elektrik kepunyaan seorang pemegang lesen telah ditempatkan dalam atau di premis-premis yang tidak dipunyai atau diduduki oleh pemegang lesen bagi maksud pembekalan atau penyukatan tenaga, kelengkapan itu tidak boleh dikenakan distres ataupun diambil sebagai pelaksanaan di bawah apa-apa proses mahkamah atau dalam apa-apa prosiding kebangkrapan atau ketaksolvenan terhadap mana-mana orang.

Pendaftaran pemasangan.

21. (1) Sebelum siapnya sesuatu pemasangan baru, selain daripada pemasangan yang dipunyai oleh pihak berkuasa bekalan, pemunya hendaklah mengemukakan, dengan pendua, kepada Pengarah, suatu permohonan untuk pendaftaran dalam bentuk yang ditetapkan. Pengarah hendaklah menyebabkan pemeriksaan dan ujian dibuat dalam tempoh yang ditetapkan dan, jika pemasangan itu memuaskan kehendak-kehendak Akta ini, hendaklah

mengeluarkan atau menyebabkan dikeluarkan suatu Perakuan Pendaftaran dalam bentuk yang ditetapkan:

Dengan syarat bahawa pada bila-bila masa dari tarikh mula berkuatkuasanya Akta ini sehingga tarikh yang ditentukan oleh Menteri melalui pemberitahuan dalam *Warta*, maka adalah sah bagi Pengarah menurut budi bicaranya tanpa menyebabkan apa-apa pemeriksaan atau ujian dibuat untuk mengeluarkan berkenaan dengan mana-mana pemasangan sedemikian suatu Perakuan Pendaftaran sementara yang sah selama apa-apa tempoh dan tertakluk kepada apa-apa syarat sebagaimana yang diendorskan padanya dan apa-apa sebutan dalam Akta ini mengenai suatu Perakuan Pendaftaran hendaklah, melainkan jika konteksnya menghendaki makna yang lain, disifatkan telah berkuatkuasa dari tarikh yang diendorskan padanya oleh Pengarah pada masa mengeluarkannya. Apa-apa Perakuan Pendaftaran sementara sedemikian boleh dibatalkan atau dikenselkan oleh Pengarah pada bila-bila masa menurut budi bicaranya.

(2) Tiada seorang pun boleh memiliki atau mengendalikan sesuatu pemasangan, melainkan jika pemasangan itu didaftarkan pada suatu Perakuan Pendaftaran yang sah.

(3) Perakuan-Perakuan Pendaftaran hendaklah diserahkan balik oleh pemunya atau pemegang lesen kepada Pengarah untuk dikenselkan jika pemasangan itu tidak dikehendaki untuk digunakan lagi. Selepas itu, jika pemunya atau pemegang lesen ingin mengendalikan pemasangan itu semula, pemasangan tersebut hendaklah dikira dalam segala aspek seolah-olah ia suatu pemasangan baru.

(4) Suatu Perakuan Pendaftaran boleh dikenselkan mengikut peraturan-peraturan yang dibuat di bawah seksyen 53.

(5) Perakuan-Perakuan Pendaftaran tidaklah boleh dipindahmilikkan tanpa kebenaran Ketua Pengarah.

22. (1) Tertakluk kepada apa-apa pengecualian yang diberikan di bawah Akta ini, mana-mana orang yang bercadang untuk membina, memperbesarkan atau

Pemeriksaan berkala pemasangan.

mengubahpinda apa-apa pemasangan hendaklah memberi notis mengenai cadangan pembinaan, pembesaran atau pengubahpindaan itu kepada Pengarah. Orang itu atau seseorang yang diberikuasa olehnya hendaklah mengemukakan pelan dan mendapatkan kelulusan terdahulu daripada Pengarah yang boleh memeriksa secara berkala pemasangan itu.

(2) Sebagai tambahan kepada pemeriksaan berkala semasa pembinaan, pembesaran atau pengubahpindaan dan pemeriksaan terakhir apabila siap, semua pemasangan, semasa dikendalikan, hendaklah tertakluk kepada apa-apa pemeriksaan berkala sebagaimana yang ditetapkan.

(3) Pihak pengurusan atau orang yang menjaga mana-mana pemasangan atau pembinaan, pembesaran atau pengubahpindaan mana-mana pemasangan hendaklah memberi kemudahan dengan sepenuhnya bagi pemeriksaan semasa waktu bekerja.

BAHAGIAN V

KAWALAN KOMPETEN

Orang-orang
yang
menjaga

23. (1) Tiada pemasangan atau loji atau kelengkapan elektrik selain daripada yang dipunyai atau diuruskan oleh pihak berkuasa bekalan boleh dikerjakan atau dikendalikan kecuali oleh atau di bawah kawalan orang-orang yang memiliki apa-apa kelayakan dan memegang apa-apa perakuan sebagaimana yang ditetapkan, dan tiada seorang pun yang tidak memiliki kelayakan atau memegang perakuan seperti yang disebut terdahulu boleh menjaga apa-apa pemasangan atau boleh mengawal pengendalian apa-apa loji atau kelengkapan elektrik.

(2) Mana-mana orang yang melanggar seksyen ini adalah melakukan suatu kesalahan dan, apabila disabitkan, boleh dikenakan denda tidak melebihi sepuluh ribu ringgit dan, jika pelanggaran itu diteruskan, dikenakan denda tidak melebihi satu ribu ringgit bagi tiap-tiap hari atau sebahagian daripada sehari selama pelanggaran itu diteruskan selepas sabitan.

BAHAGIAN VI

PEMBEKALAN OLEH PEMEGANG LESEN

24. (1) Tertakluk kepada peruntukan-peruntukan yang berikut dalam Bahagian ini dan mana-mana peraturan yang dibuat di bawahnya, pemegang lesen hendaklah apabila dikehendaki berbuat demikian oleh pemunya atau penduduk mana-mana premis—

Kewajipan membekal apabila diminta.

- (a) memberi bekalan elektrik kepada premis-premis itu; dan
- (b) setakat yang perlu bagi maksud itu, mengadakan talian bekalan atau apa-apa loji atau kelengkapan elektrik.

(2) Jika mana-mana orang menghendaki pembekalan elektrik di bawah subseksyen (1), dia hendaklah memberi suatu notis kepada pemegang lesen yang menyatakan—

- (a) premis-premis yang berkenaan dengannya bekalan itu dikehendaki;
- (b) hari bila bekalan itu dikehendaki dimulakan;
- (c) kuasa maksimum yang dikehendaki pada bila-bila masa; dan
- (d) tempoh minimum yang selamanya bekalan dikehendaki diberikan.

(3) Jika pemegang lesen menerima daripada mana-mana orang suatu notis di bawah subseksyen (2) yang menghendakinya memberi bekalan elektrik kepada mana-mana premis dan—

- (a) dia tidak pernah sebelum ini memberikan bekalan elektrik pada premis-premis itu;
- (b) pemberian bekalan itu menghendaki pengadaan talian bekalan atau loji atau kelengkapan elektrik; atau
- (c) hal keadaan lain wujud yang membuatnya perlu atau suaimanfaat baginya berbuat demikian.

pemegang lesen hendaklah, dengan seberapa segera yang praktik selepas menerima notis itu, memberi kepada orang itu suatu notis di bawah subseksyen (4).

(4) Suatu notis di bawah subseksyen ini hendaklah—

(a) menyatakan takat yang cadangan-cadangan yang dinyatakan dalam notis di bawah subseksyen (2) boleh disetujuterima oleh pemegang lesen dan menyatakan apa-apa cadangan balas yang dibuat oleh pemegang lesen;

(b) menyatakan sama ada harga-harga yang hendak dikenakan oleh pemegang lesen akan ditentukan melalui suatu tarif di bawah seksyen 26 (1), atau melalui suatu perjanjian khas di bawah seksyen 29 (1) dan menyatakan tarif atau terma-terma perjanjian itu yang dicadangkan;

(c) menyatakan apa-apa pembayaran yang akan dikehendaki supaya dibuat oleh orang itu di bawah subseksyen 27 (1); dan

(d) menyatakan apa-apa cagaran yang akan dikehendaki diberi oleh orang itu di bawah seksyen 28.

(5) Dalam seksyen ini dan dalam seksyen 25 hingga 29 Bahagian ini—

(a) apa-apa sebutan mengenai pemberian bekalan elektrik termasuklah sebutan mengenai penerusan pemberian bekalan sedemikian;

(b) apa-apa sebutan mengenai menghendaki bekalan elektrik termasuklah sebutan mengenai menghendaki bekalan sedemikian supaya terus diberikan; dan

(c) apa-apa sebutan mengenai pengadaan talian bekalan atau suatu barang daripada kelengkapan atau loji elektrik adalah sebutan mengenai pengadaan talian atau barang sedemikian sama ada melalui pemasangan talian atau barang yang baru atau melalui pengubahsuaian talian atau barang yang sedia ada.

25. Tiada apa-apa jua dalam seksyen 24 (1) boleh dikira sebagai menghendaki pemegang lesen memberikan bekalan elektrik pada mana-mana premis jika—

Kekecualian kepada kewajiban membekalkan elektrik.

- (a) (i) bekalan elektrik telahpun diberikan pada premis-premis itu oleh pemegang lesen yang lain; dan
- (ii) bekalan sedemikian diberi sama ada keseluruhannya atau sebahagiannya menerusi talian bekalan dan kelengkapan atau loji elektrik kepunyaan pemegang lesen;
- (b) dia dilarang berbuat demikian oleh hal keadaan yang di luar kawalannya;
- (c) hal keadaan wujud yang, disebabkan oleh apa yang dilakukannya sedemikian, akan atau boleh melibatkannya melanggar apa-apa peraturan di bawah Akta ini; atau
- (d) tidak munasabah mengikut hal keadaan untuknya dikehendaki berbuat demikian:

Dengan syarat bahawa perenggan ini tidaklah terpakai berhubungan dengan bekalan elektrik yang sedang diberikan pada mana-mana premis melainkan jika pemegang lesen telah memberi kepada penduduk atau pemunya, jika premis tidak diduduki, suatu notis tidak kurang daripada tujuh hari kerja mengenai cadangannya mem-berhentikan bekalan elektrik.

26. (1) Seorang pemegang lesen boleh, berhubungan dengan perkhidmatan membekalkan elektrik, melewikan apa-apa tarif yang diluluskan secara bertulis oleh Menteri dari semasa ke semasa dengan mengambil kira apa-apa syarat dalam lesen itu yang berhubungan dengan pembekalan elektrik di kawasan dan mengikut hal keadaan yang berlainan.

Kuasa menentukan tarif.

(2) Suatu tarif yang ditentukan oleh pemegang lesen menurut subseksyen (1)—

- (a) hendaklah dirangkakan supaya menunjukkan cara-cara dan prinsip-prinsip bagaimana tarif hendak dibuat dan juga harga-harga yang hendak dikenakan; dan

(b) hendaklah disiarkan mengikut apa-apa cara sebagaimana yang pemegang lesen berpendapat dapat memastikan publisiti yang mencukupi bagi tarif itu.

(3) Suatu tarif yang ditentukan oleh pemegang lesen di bawah subseksyen (1) boleh termasuk—

(a) suatu caj tetap sebagai tambahan kepada caj bagi elektrik yang sebenarnya dibekalkan;

(b) suatu caj berkenaan dengan kesediaan bekalan elektrik dan caj sedemikian boleh berubah mengikut takat pembekalan; dan

(c) suatu caj sewa atau caj lain berkenaan dengan apa-apa meter elektrik atau loji atau kelengkapan elektrik yang diadakan oleh pemegang lesen.

(4) Dalam menentukan tarif menurut subseksyen (1) dan dalam membuat perjanjian-perjanjian bagi pembekalan elektrik di bawah seksyen 29, pemegang lesen tidaklah boleh menunjukkan keutamaan berlebihan ataupun diskriminasi di kalangan pengguna atau orang yang berkedudukan seumpamanya mengenai tempat dan masa pembekalan, kuantiti elektrik yang dibekalkan, beban pengguna dan faktor kuasa, dan maksud yang baginya bekalan diambil.

Kuasa
mendapatkan
kembali
perbelanjaan.

27. (1) Jika apa-apa talian bekalan atau loji atau kelengkapan elektrik diadakan oleh pemegang lesen menurut seksyen 24 (1), pemegang lesen boleh menghendaki apa-apa perbelanjaan yang dilakukan dengan munasabah dibayar oleh orang yang menghendaki bekalan elektrik pada apa-apa takat yang munasabah dengan mengambil kira hal keadaan.

(2) Perbelanjaan yang dilakukan dengan munasabah dalam mengadakan apa-apa talian bekalan atau loji atau kelengkapan elektrik di bawah subseksyen (1) termasuklah nilai dipermodalkan bagi apa-apa perbelanjaan yang mungkin dilakukan dalam menyenggarakannya, jika perbelanjaan itu tidak boleh didapatkan kembali oleh pemegang lesen sebagai sebahagian daripada tarif yang dilevikan olehnya bagi bekalan itu.

28. (1) Seorang pemegang lesen boleh menghendaki mana-mana orang yang menghendaki bekalan elektrik menurut seksyen 24 (1) untuk memberi kepadanya cagaran yang munasabah bagi semua wang yang menjadi kena dibayar kepadanya—

Kuasa menghendaki cagaran.

(a) berkenaan dengan bekalan elektrik; atau

(b) jika apa-apa talian bekalan atau loji atau kelengkapan elektrik perlu diadakan di bawah subseksyen yang sama berkenaan dengan pengadaan kemudahan sedemikian,

dan jika orang itu gagal memberi apa-apa cagaran sedemikian, pemegang lesen boleh, jika difikirkannya patut, menolak untuk memberikan bekalan atau mengadakan talian bekalan atau loji atau kelengkapan elektrik sehinggalah cagaran telah diberi.

(2) Jika orang itu belum memberi cagaran dalam subseksyen (1) atau cagaran yang diberi oleh orang itu menjadi tidak mencukupi, pemegang lesen boleh melalui notis menghendaki orang itu, dalam masa tujuh hari selepas penyampaian notis, memberi kepadanya cagaran yang munasabah bagi pembayaran semua wang yang kena dibayar kepadanya berkenaan dengan bekalan itu dan jika orang itu gagal memberikan cagaran sedemikian, pemegang lesen boleh, jika difikirkannya patut, memberhentikan talian bekalan sehinggalah cagaran diberi.

29. (1) Walau apa pun apa-apa jua yang terkandung dalam seksyen 24 hingga 28, seseorang yang menghendaki bekalan elektrik menurut seksyen 24 (1) boleh membuat suatu perjanjian khas dengan pemegang lesen bagi bekalan itu atas apa-apa terma sebagaimana yang dinyatakan dalam perjanjian.

Perjanjian khas mengenai bekalan.

(2) Jika apa-apa perjanjian yang dibuat menurut subseksyen (1) masih berkuatkuasa, hak dan liabiliti pihak-pihak kepada perjanjian itu hendaklah ditentukan oleh perjanjian dan tidak melalui peruntukan-peruntukan seksyen 24 hingga 28.

(3) Walau apa pun peruntukan-peruntukan subseksyen (2), seksyen 24 (2) hendaklah, walau bagaimanapun,

terpakai bagi maksud-maksud menyatakan hari yang bekalan elektrik itu dikehendaki dimulakan dan hari yang perjanjian sedemikian berhenti berkuatkuasa.

Penentuan
pertikaian.

30. (1) Mana-mana pihak kepada apa-apa pertikaian di bawah seksyen 24 hingga 29 yang berkenaan dengan bekalan elektrik boleh merujuk pertikaian itu kepada Ketua Pengarah untuk keputusannya.

(2) Ketua Pengarah hendaklah menentukan pertikaian itu dan membuat perintah sewajarnya:

Dengan syarat bahawa dalam hal yang difikirkan patut oleh Ketua Pengarah, pertikaian itu bolehlah ditentukan oleh seorang penimbangtara yang dilantik olehnya.

(3) Amalan dan prosedur yang hendak diikuti apabila menentukan apa-apa pertikaian di bawah subseksyen (2) hendaklah seperti apa yang didapati wajar oleh Ketua Pengarah.

(4) Sementara menanti penentuan apa-apa pertikaian yang berbangkit di bawah seksyen 24 hingga 29 di antara pemegang lesen dan orang yang menghendaki bekalan elektrik, pemegang lesen hendaklah meneruskan pemberian bekalan elektrik sehingga penentuan pertikaian itu.

(5) Apa-apa perintah di bawah subseksyen (2) boleh termasuk suatu peruntukan yang menghendaki salah satu pihak membayar kos atau perbelanjaan yang dilakukan oleh Ketua Pengarah atau penimbangtara, mengikut mana-mana yang berkenaan, dalam menentukan pertikaian itu.

Pemastian
harga
maksimum
bagi penjualan
semula
elektrik.

31. (1) Seksyen ini terpakai bagi elektrik yang dibekalkan pada premis-premis oleh seseorang yang dibenarkan oleh suatu lesen untuk membekalkan elektrik.

(2) Ketua Pengarah boleh dari semasa ke semasa memastikan harga-harga maksimum yang dengannya elektrik di bawah seksyen ini boleh dijual semula dan boleh menyiarkan harga-harga yang dipastikan sedemikian mengikut apa-apa cara sebagaimana yang pada pendapatnya dapat menjamin publisiti yang mencukupi untuknya.

(3) Harga-harga berlainan boleh dipastikan bagi hal-hal berlainan yang boleh ditentukan melalui rujukan kepada kawasan, tarif atau apa-apa faktor relevan lain.

(4) Jika mana-mana orang menjual semula elektrik pada harga yang melebihi harga maksimum yang dipastikan di bawah seksyen ini, amaun lebih itu hendaklah didapatkan kembali oleh orang yang kepadanya elektrik itu dijual semula.

32. (1) Jika seseorang pengguna dikenakan caj bagi bekalan elektriknya sama ada keseluruhannya atau sebahagiannya dengan merujuk kepada kuantiti elektrik yang dibekalkan, bekalan itu hendaklah diberikan menerusi, dan kuantiti elektrik hendaklah ditentukan melalui, meter yang sesuai.

Caj bagi bekalan elektrik hendaklah ditentukan melalui meter yang sesuai.

(2) Meter hendaklah diadakan oleh pemegang lesen, sama ada dengan cara jualan, sewa atau pinjaman.

(3) Meter hendaklah dipasang pada premis pengguna di suatu kedudukan yang hendaklah ditentukan oleh pemegang lesen, melainkan jika dalam hal keadaan tertentu adalah lebih munasabah untuk menempatkan meter itu di luar premis atau di suatu kedudukan lain.

(4) Jika pengguna enggan atau tidak mendapatkan bekalan elektriknya menerusi meter yang sesuai yang diadakan dan dipasang mengikut subseksyen (2) dan (3) pemegang lesen boleh enggan memberikan atau memberhentikan bekalan.

(5) Bagi maksud-maksud seksyen ini, suatu meter adalah meter yang sesuai untuk kegunaan berkaitan dengan apa-apa bekalan elektrik yang tertentu jika ia adalah daripada corak pembinaan yang, dengan mengambil kira terma-terma yang berdasarkannya bekalan itu dikenakan caj, bersesuaian dengan tertentunya bagi kegunaan sedemikian.

BAHAGIAN VII

PEMBERITAHUAN KEMALANGAN ATAU KEBAKARAN

Kemalangan
serius
hendaklah
dilaporkan.
Penyiasatan
oleh Ketua
Pengarah.

33. (1) Bilamasa apa-apa kemalangan atau kebakaran yang menyebabkan atau mengakibatkan kehilangan nyawa atau cedera kepada mana-mana orang atau kerosakan serius pada harta telah berlaku berkaitan dengan apa-apa pemasangan atau loji atau kelengkapan elektrik, pemunya, pemegang lesen atau pihak berkuasa bekalan dan pihak pengurusannya hendaklah melaporkan kemalangan atau kebakaran itu kepada seorang Pengarah melalui cara yang tercepat yang ada, dan kemudiannya, dengan seberapa sedikit kelengahan yang mungkin, hendaklah melaporkan secara bertulis kepada Pengarah mengenai fakta-fakta perkara itu setakat yang diketahui oleh mereka masing-masing.

(2) Pengarah hendaklah, dengan seberapa segera yang praktik apabila menerima laporan pertama—

- (a) melawat tempat di mana kemalangan atau kebakaran itu berlaku;
- (b) membuat penyiasatan permulaan mengenai hal keadaan itu;
- (c) merekodkan secara bertulis dapatan-dapatannya yang boleh disokong dengan fotograf-fotograf yang relevan, selepas penyiasatan itu;
- (d) diberikan fotograf, laporan perubahan atau dokumen relevan lain daripada mana-mana orang atau pihak berkuasa tanpa apa-apa pembayaran fee dan orang atau pihak berkuasa itu hendaklah mematuhi apa-apa permintaan sedemikian;
- (e) mengemukakan laporannya kepada Ketua Pengarah; dan
- (f) jika telah berlaku apa-apa kehilangan nyawa atau terdapat sebab mempercayai bahawa mana-mana orang telah dcederakan sehingga membawa maut, menghantar suatu salinan dapatannya kepada majistret yang terdekat.

(3) Sekiranya berlaku kehilangan nyawa atau cedera parah kepada mana-mana orang disebabkan oleh apa-apa

kemalangan atau kebakaran berkaitan dengan mana-mana pemasangan atau loji atau kelengkapan elektrik, tiada pengubahpindaan atau penambahan boleh, tanpa keizinan Pengarah, dibuat pada mana-mana bahagian pemasangan, loji atau kelengkapan itu yang mungkin telah membantu menyebabkan kemalangan atau kebakaran itu dan tiada apa-apa pengubahpindaan boleh dibuat, tanpa keizinan itu, pada tempat berlakunya kemalangan atau kebakaran sehinggalah Pengarah telah menyelesaikan penyiasatannya:

Dengan syarat bahawa tiada apa-apa jua yang terkandung di dalam seksyen ini boleh berkuatkuasa untuk mengganggu kerja penyelamatan atau kerja yang perlu bagi keselamatan am nyawa atau harta.

(4) Jika atas suatu penyiasatan permulaan di bawah subseksyen (2) ternyata kepada Pengarah yang membuat penyiasatan itu bahawa terdapat sebab untuk mempercayai kemalangan atau kebakaran itu telah disebabkan oleh apa-apa kegagalan mematuhi Akta ini atau apa-apa perintah sah yang diberi oleh Pengarah, atau jika Pengarah yang membuat penyiasatan seperti yang disebut terdahulu berpuas hati bahawa kemalangan atau kebakaran itu mungkin boleh dicegah jika langkah awasan yang wajar telah diambil dan dipatuhi semasa mengerjakan mana-mana pemasangan atau loji atau kelengkapan elektrik, Ketua Pengarah atau Pengarah yang diberikuasa olehnya boleh menyiasat dengan lebih lanjut hal keadaan kemalangan atau kebakaran itu berserta dengan Pengarah yang membuat penyiasatan permulaan itu dan jika Ketua Pengarah berpendapat bahawa prosiding jenayah hendaklah dibawa terhadap mana-mana orang, maka dia hendaklah mengemukakan kepada Pendakwa Raya suatu salinan laporan Pengarah bersama dengan pendapatnya mengenai hal keadaan dan dapatan-dapatan itu.

(5) Mana-mana orang yang kena mengena dengan mana-mana penyiasatan yang diadakan di bawah seksyen ini berhak, apabila dibayar fee yang ditetapkan, menerima suatu salinan laporan Pengarah, pendapat Ketua Pengarah dan apa-apa pernyataan oleh Pengarah atau Ketua Pengarah, mengikut mana-mana yang berkenaan, dalam menjalankan penyiasatan mereka.

(6) Mana-mana orang yang, tanpa sebab sah, melanggar atau gagal mematuhi subseksyen (1) dan (3) adalah melakukan suatu kesalahan dan boleh dikenakan, apabila disabitkan, denda tidak melebihi lima ribu ringgit.

BAHAGIAN VIII

SIASATAN DAN TIMBANGTARA

Prosedur
berhubungan
dengan
siasatan dan
timbangtara.

34. (1) Sekiranya berlaku perselisihan pendapat di antara pemegang lesen dengan seorang Pengarah atau di antara pihak pengurusan atau pemunya mana-mana pemasangan atau kelengkapan dengan seorang Pengarah mengenai apa-apa perkara yang menyentuh pembinaan, pendirian, penyenggaraan atau pengendalian mana-mana pemasangan atau kelengkapan, perkara itu hendaklah dirujuk kepada dan diputuskan oleh Ketua Pengarah.

(2) Mana-mana orang yang berasa terkilan dengan keputusan Ketua Pengarah di bawah subseksyen (1) boleh memohon kepada Menteri bagi pertimbangan semula perkara yang dipertikaikan itu. Permohonan itu hendaklah dibuat secara bertulis dalam masa dua puluh satu hari dari tarikh keputusan Ketua Pengarah, atau dalam apa-apa tempoh lanjut sebagaimana yang dibenarkan oleh Menteri dalam hal keadaan khas, dan hendaklah mengandungi alasan-alasan kilanan itu.

(3) Apabila menerima permohonan itu, Menteri hendaklah melantik seorang Pengerusi sebagai wakilnya untuk mengadakan suatu siasatan mengenai perkara itu berserta dengan dua orang lain yang akan dinamakan oleh Menteri sebagai pengapit. Pengapit hendaklah orang yang memiliki kemahiran dan pengalaman dalam bidang elektrik atau bidang khas lain yang diambil dari kalangan orang-orang yang bukan dalam perkhidmatan Jabatan Bekalan Elektrik.

(4) Segala soalan dalam siasatan itu hendaklah ditentukan oleh suatu majoriti anggota-anggota yang mengadakan siasatan itu.

(5) (a) Di akhir siasatan, Pengerusi hendaklah mengemukakan kepada Menteri suatu ringkasan keterangan berserta dengan keputusan yang telah dicapai,

dan Menteri hendaklah menyetujui keputusan itu sebagai muktamad dan hendaklah memberitahu semua orang yang berkenaan.

(b) Mana-mana orang yang kena mengena dengan perkara yang dirujuk kepada Menteri di bawah subseksyen (2) adalah berhak, apabila dibayar fee-fee yang ditetapkan, kepada suatu salinan ringkasan keterangan dan keputusan yang disebut dalam perenggan (a).

(6) Orang-orang yang dinamakan oleh Menteri untuk berkhidmat sebagai pengapit adalah berhak menerima apa-apa saraan sebagaimana yang ditetapkan oleh Menteri dari semasa ke semasa.

35. Bagi maksud mengadakan siasatan di bawah Akta ini, Ketua Pengarah atau Pengerusi, mengikut mana-mana yang berkenaan, hendaklah mempunyai kuasa mengendalikan sumpah dan ikrar dan hendaklah terletak padanya kuasa-kuasa majistret kelas satu bagi memaksa kehadiran saksi-saksi, menjaga ketenteraman atau selainnya menjalankan dengan sempurna siasatan-siasatan tersebut. Orang-orang yang dipanggil menghadiri mana-mana siasatan adalah terikat di sisi undang-undang untuk hadir.

Kuasa
mengadakan
siasatan.

36. (1) Jika apa-apa perkara dikehendaki ditentukan melalui timbangtara di bawah Akta ini, perkara itu hendaklah ditentukan oleh suatu lembaga yang terdiri daripada satu atau tiga penimbangtara yang dipilih oleh pihak-pihak atau, jika mereka tidak dapat bersetuju, oleh Hakim Besar.

Timbangtara.

(2) Setiap pihak hendaklah mempunyai kuasa untuk melantik seorang pengapit untuk bersidang dengan penimbangtara, tetapi hanya penimbangtara seorang sahaja hendaklah mempunyai kuasa memutuskan dan membuat suatu award. Jika lebih daripada satu penimbangtara dilantik, suatu majoriti di kalangan mereka boleh memutuskan dan membuat suatu award.

(3) Timbangtara, hendaklah dijalankan di mana-mana tempat dalam Malaysia sebagaimana yang diputuskan oleh penimbangtara, dan hendaklah, tertakluk kepada seksyen ini, dikawal oleh Akta Timbangtara 1952.

Akta 93

(4) Saraan penimbangtara yang dilantik oleh Hakim Besar mengikut seksyen ini hendaklah dipastikan oleh Hakim Besar dan saraan penimbangtara yang dipilih oleh pihak-pihak hendaklah dipastikan oleh mereka. Kos-kos rujukan dan award itu hendaklah dibayar oleh pihak-pihak mengikut kadar yang diputuskan oleh penimbangtara:

Dengan syarat bahawa saraan dan elaun pengapit hendaklah dibayar oleh pihak yang bertentangan dengannya award itu dibuat.

BAHAGIAN IX

KESALAHAN DAN PENALTI

Kesalahan-kesalahan.

37. (1) Mana-mana orang yang mengganggu atau melaraskan apa-apa pemasangan atau bahagiannya atau mengilang atau mengimport atau menjual apa-apa kelengkapan sehingga menyebabkan atau mungkin menyebabkan bahaya kepada nyawa atau anggota badan manusia atau kerosakan pada mana-mana kelengkapan atau harta lain adalah melakukan suatu kesalahan dan bagi setiap kesalahan sedemikian, apabila disabitkan, boleh dikenakan denda tidak melebihi satu ratus ribu ringgit atau penjara selama tempoh tidak melebihi lima tahun atau kedua-duanya.

(2) Mana-mana orang yang dengan apa-apa perbuatan atau peninggalan gopoh atau cuai menyebabkan kecederaan atau kerosakan kepada mana-mana orang atau harta berkenaan dengan mana-mana pemasangan atau kelengkapan atau suatu bahagiannya adalah melakukan suatu kesalahan dan boleh dikenakan, apabila disabitkan, denda tidak melebihi lima puluh ribu ringgit atau penjara selama tempoh tidak melebihi tiga tahun atau kedua-duanya.

(3) Mana-mana orang yang mengikut apa-apa cara dengan curang—

- (a) mengambil tenaga;
- (b) menggunahabis tenaga;
- (c) mengguna tenaga;
- (d) mengubahpinda indeks apa-apa meter atau alat lain yang digunakan di atas atau berkaitan

dengan apa-apa pemasangan mana-mana pihak berkuasa bekalan atau mana-mana pemasangan berlesen untuk merekodkan keluaran atau penggunahabisan tenaga; atau

- (e) menghalang apa-apa meter atau alat sedemikian daripada merekodkan dengan sempurnanya keluaran atau penggunahabisan tenaga,

adalah melakukan suatu kesalahan dan boleh dikenakan, apabila disabitkan, denda tidak melebihi satu ratus ribu ringgit atau penjara selama tempoh tidak melebihi tiga tahun atau kedua-duanya.

(4) Mana-mana orang yang, melanggar dengan seksyen 9, menggunakan, mengerjakan atau mengendalikan atau membenarkan digunakan, dikerjakan atau dikendalikan apa-apa pemasangan adalah melakukan suatu kesalahan dan boleh dikenakan, apabila disabitkan, denda tidak melebihi lima puluh ribu ringgit dan denda tambahan tidak melebihi satu ribu ringgit bagi tiap-tiap hari atau sebahagian daripada sehari selama kesalahan itu berterusan selepas sabitan.

(5) Mana-mana orang yang melanggar dengan seksyen 9, membekalkan tenaga daripada suatu pemasangan kepada atau bagi penggunaan mana-mana orang adalah melakukan suatu kesalahan dan boleh dikenakan, apabila disabitkan, denda tidak melebihi satu ratus ribu ringgit, dan denda tambahan tidak melebihi satu ribu ringgit bagi tiap-tiap hari atau sebahagian daripada sehari selama kesalahan itu berterusan selepas sabitan.

(6) Mana-mana pemegang lesen yang tanpa kebenaran nyata daripada Ketua Pengarah membekalkan tenaga atau meletakkan apa-apa talian bekalan atau membina apa-apa kerja elektrik di luar kawasan bekalan yang dinyatakan dalam lesennya adalah melakukan suatu kesalahan dan boleh dikenakan, apabila disabitkan, denda tidak melebihi lima ribu ringgit, dan mana-mana talian atau kerja tak dibenarkan sedemikian boleh, selepas sabitan, dialihkan mengikut perintah Ketua Pengarah, dan jika perintah itu tidak dipatuhi, kos-kos munasabah bagi pengalihan sedemikian boleh didapatkan kembali daripada pemegang lesen.

(7) Mana-mana pemegang lesen yang tanpa sebab yang sah gagal mematuhi apa-apa terma atau syarat yang dinyatakan dalam lesen adalah melakukan suatu kesalahan dan boleh dikenakan, apabila disabitkan, denda tidak melebihi sepuluh ribu ringgit dan, denda tambahan tidak melebihi satu ribu ringgit bagi tiap-tiap hari atau sebahagian daripada sehari selama kesalahan itu berterusan selepas sabitan.

(8) Mana-mana orang yang gagal atau abai untuk mendaftarkan apa-apa pemasangan di bawah seksyen 21 adalah melakukan suatu kesalahan dan boleh dikenakan, apabila disabitkan, denda tidak melebihi dua puluh lima ribu ringgit dan denda tambahan tidak melebihi satu ribu ringgit bagi tiap-tiap hari atau sebahagian daripada sehari selama kesalahan itu berterusan selepas sabitan.

(9) Mana-mana orang yang, tanpa kebenaran yang wajar, memadamkan atau merosakkan apa-apa lampu awam atau merosakkan atau mencacatkan apa-apa tiang, pendakap atau kaedah lain bagi menopangkan suatu lampu awam adalah melakukan suatu kesalahan dan boleh dikenakan, apabila disabitkan, denda tidak melebihi lima ribu ringgit atau penjara selama tempoh tidak melebihi satu tahun atau kedua-duanya.

(10) Mana-mana orang yang tanpa keizinan sah daripada pihak berkuasa bekalan atau pemegang lesen, mengikut mana-mana yang berkenaan, melekatkan atau menyebabkan dilekatkan apa-apa iklan, bil atau notis atau apa-apa kertas pada atau atas, atau selainnya mencacatkan apa-apa bangunan, tiang atau pendakap atau kelengkapan lain atau kepungannya yang digunakan bagi atau berkaitan dengan apa-apa pemasangan awam adalah melakukan suatu kesalahan dan boleh dikenakan, apabila disabitkan, denda tidak melebihi satu ribu ringgit.

(11) Mana-mana orang yang dengan sengaja atau dengan cuai—

(a) menyebabkan pembaziran tenaga yang dilencongkan dari aliran perjalanannya yang patut ; atau

(b) memecahkan, menumbangkan, menyebabkan dijatuhkan atau dirosakkan apa-apa talian

bekalan, tiang, pancang atau kelengkapan, pemasangan atau mana-mana bahagian daripadanya yang lain, mengikut mana-mana yang berkenaan, yang bersambung dengan bekalan tenaga,

adalah melakukan suatu kesalahan dan boleh dikenakan, apabila disabitkan, denda tidak melebihi lima puluh ribu ringgit atau penjara selama tempoh tidak melebihi tiga tahun atau kedua-duanya.

(12) (a) Tiada seorang pun tanpa kebenaran sah daripada pihak berkuasa bekalan atau pemegang lesen, mengikut mana-mana yang berkenaan, boleh mengusahakan apa-apa kerja atau melibatkan diri dalam apa-apa aktiviti berhampiran dengan apa-apa pemasangan elektrik atau sebahagian daripadanya mengikut cara yang berkemungkinan mengganggu mana-mana pemasangan elektrik atau menyebabkan bahaya kepada mana-mana orang atau harta.

(b) Mana-mana orang yang melanggar seksyen ini adalah melakukan suatu kesalahan dan boleh dikenakan, apabila disabitkan, denda tidak melebihi lima ribu ringgit atau penjara selama tempoh tidak melebihi dua tahun atau kedua-duanya.

(13) (a) Tiada seorang pun boleh memasang apa-apa pendawaian atau persambungan elektrik pada pendawaian yang ada pada mana-mana premis tanpa terlebih dahulu mendapat kelulusan bertulis daripada suatu pihak berkuasa bekalan atau pemegang lesen.

(b) Mana-mana orang yang melanggar seksyen ini adalah melakukan suatu kesalahan dan boleh dikenakan, apabila disabitkan, denda tidak melebihi sepuluh ribu ringgit atau penjara selama tempoh tidak melebihi dua tahun atau kedua-duanya.

(14) Mana-mana orang yang merosakkan apa-apa meter atau alat lain yang digunakan atas atau berkaitan dengan mana-mana pemasangan berlesen bagi merekodkan keluaran atau penggunahabisan tenaga adalah melakukan suatu kesalahan dan apabila disabitkan, boleh dikenakan denda tidak melebihi lima ribu ringgit

atau penjara selama tempoh tidak melebihi dua tahun atau kedua-duanya.

(15) Mana-mana orang yang didapati bersalah atas suatu kesalahan terhadap Akta ini yang baginya tiada penalti diperuntukkan secara nyata, apabila disabitkan, boleh dikenakan denda tidak melebihi lima ribu ringgit dan, dalam hal kesalahan yang berterusan, denda tidak melebihi lima ratus ringgit bagi tiap-tiap hari atau sebahagian daripada sehari selama kesalahan itu berterusan selepas sabitan.

(16) Bilamasa mana-mana ejen atau pengkhidmat dalam menjalankan pekerjaannya melakukan atau tidak meninggalkan daripada melakukan sesuatu perbuatan yang perlakuan atau peninggalan daripada melakukan perbuatan itu oleh prinsipal atau majikannya akan menjadi suatu kesalahan terhadap Akta ini, maka ejen atau pengkhidmat itu adalah melakukan kesalahan itu, dan prinsipal atau majikannya dan mana-mana orang yang pada masa perbuatan atau peninggalan itu adalah penjaga perniagaan yang berkenaan dengannya perbuatan atau peninggalan itu berlaku adalah melakukan kesalahan itu melainkan jika prinsipal atau majikan atau mana-mana orang sedemikian, mengikut mana-mana yang berkenaan, membuktikan sehingga memuaskan hati mahkamah bahawa dia telah mengambil segala langkah dan awasan yang munasabah untuk mencegah perbuatan atau peninggalan itu.

Pemegang
bekalan
elektrik.

38. (1) Jika mana-mana orang yang diambil kerja oleh pemegang lesen mendapat keterangan di mana-mana premis yang pada pendapatnya membuktikan bahawa suatu kesalahan telah dilakukan di bawah seksyen 37 (1), 37 (3) atau 37 (14), pemegang lesen atau mana-mana orang yang diberikuasa sewajarnya oleh pemegang lesen boleh, dengan memberi notis tidak kurang daripada dua puluh empat jam, dalam apa-apa bentuk sebagaimana yang ditetapkan, menyebabkan bekalan tenaga dipotong daripada premis tersebut.

(2) Jika bekalan tenaga telah dipotong di bawah subseksyen (1), maka ia tidaklah boleh disambung semula

sehinggalah pemegang lesen menurut budi bicaranya memberikan kebenaran bagi penyambungan semula:

Dengan syarat bahawa tempoh pemotongan itu tidaklah melebihi tiga bulan.

(3) Pemegang lesen boleh menghendaki pengguna membayar kepadanya apa-apa kerugian hasil yang disebabkan oleh kesalahan yang dilakukan di bawah seksyen 37 (1), 37 (3) dan 37 (14) dan apa-apa perbelanjaan yang dilakukan oleh pemegang lesen di bawah seksyen ini termasuk perbelanjaan yang dilakukan berkenaan dengan penyambungan semula bekalan elektrik.

(4) Suatu pernyataan bertulis oleh seseorang pekerja pemegang lesen yang diperakui dengan sepenuhnya oleh pemegang lesen atau mana-mana orang yang diberikuasa oleh pemegang lesen, yang menyatakan—

(a) amaun kerugian hasil atau perbelanjaan yang dilakukan oleh pemegang lesen; dan

(b) orang yang bertanggung bagi pembayarannya, hendaklah menjadi keterangan *prima facie* mengenai pembayaran yang kena dibuat oleh pengguna di bawah subseksyen (3).

(5) Amaun yang dinyatakan dalam pernyataan bertulis itu hendaklah, dalam tempoh yang dinyatakan dalam pernyataan itu, menjadi genap masa dan kena dibayar kepada pemegang lesen dan jika tidak dibayar, amaun itu hendaklah didapatkan kembali melalui tindakan sivil di mahkamah.

39. Kecuali sebagaimana yang diperuntukkan dalam seksyen 17 dan 20, tiada apa-apa jua yang terkandung dalam Akta ini boleh berkuatkuasa untuk melepaskan pemegang lesen atau pihak pengurusan daripada apa-apa liabiliti sivil atau jenayah yang berbangkit di bawah Akta ini.

Liabiliti
tidak
terjejas

40. Dalam apa-apa pendakwaan bagi mana-mana kesalahan di bawah seksyen 37 (3) bukti mengenai—

Beban
pembuktian

(a) kewujudan kaedah-kaedah buatan, sama ada bersendirian atau berserta dengan kaedah-kaedah buatan tambahan yang tidak dijumpai, yang boleh

digunakan bagi mengubahpinda, atau memudahkan pengubahpindaan, indeks mana-mana meter atau alat yang digunakan bagi mencatatkan kuantiti tenaga yang dibekalkan;

(b) kewujudan kaedah-kaedah buatan, sama ada bersendirian atau berserta dengan kaedah-kaedah buatan tambahan yang tidak dijumpai, yang akan menghalang, atau memudahkan penghalangan, mana-mana meter atau alat daripada mencatatkan dengan sempurnanya, kuantiti tenaga yang dibekalkan, atau yang akan memudahkan pengambilan, penggunahabisan, atau penggunaan tenaga dengan curang; atau

(c) (i) pemasangan apa-apa kaedah mekanik atau kaedah lain pada;

(ii) ketiadaan atau pengalihan apa-apa bahagian atau sambungan daripada; atau

(iii) penggangguan apa-apa bahagian atau sambungan,

apa-apa radas mengikut hal keadaan yang pemasangan, ketiadaan, pengalihan atau penggangguan itu akan menghalang atau memudahkan penghalangan mana-mana meter atau alat lain daripada mencatatkan dengan sempurnanya kuantiti tenaga yang dibekalkan, atau yang akan memudahkan pengambilan, penggunahabisan atau penggunaan tenaga dengan curang,

hendaklah menjadi keterangan *prima facie* bahawa telah ada pengubahpindaan dengan curang indeks mana-mana meter atau alat, atau penghalangan, pengambilan, penggunahabisan atau penggunaan tenaga dengan curang, mengikut mana-mana yang berkenaan; dan

(A) bahawa pengubahpindaan, penghalangan, pengambilan, penggunahabisan atau penggunaan dengan curang itu, mengikut mana-mana yang berkenaan, telah dijalankan oleh—

(a) orang yang memasang bahagian atau sambungan buatan, mekanik atau apa-apa

bahagian atau sambungan lain seperti yang disebut terdahulu;

(b) orang yang mengalihkan mana-mana bahagian atau sambungan seperti yang disebut terdahulu;

(c) orang yang mengganggu mana-mana bahagian atau sambungan seperti yang disebut terdahulu;

(d) pengguna yang menggunakan meter atau alat itu;

(e) orang yang mempunyai kawalan ke atas pemasangan di mana ia terpasang; atau

(f) penduduk premis yang padanya meter atau alat itu dipasang; atau

(B) bahawa orang atau pengguna itu telah ber-subahat melakukan kesalahan mengubahpinda, menghalang, mengambil, menggunahabis atau mengguna itu, mengikut mana-mana yang berkenaan.

41. (1) Mana-mana orang yang mengalihkan, memusnahkan atau merosakkan sama ada dengan sengaja atau selainnya, apa-apa pemasangan atau mana-mana bahagiannya, atau mana-mana lampu awam atau mana-mana tiang, pendakap atau kaedah lain bagi menopangkan lampu awam, atau mana-mana alat yang digunakan berkaitan dengan mana-mana pemasangan untuk merekodkan keluaran atau penggunahabisan tenaga, boleh, sebagai tambahan kepada apa-apa penalti yang boleh dikenakan ke atasnya di bawah Akta ini, ditanggungkan dengan pembayaran pampasan penuh bagi kerosakan yang telah dilakukannya dan pampasan boleh didapatkan kembali melalui tindakan atau guaman sivil di hadapan mana-mana mahkamah.

Pampasan kerana kerosakan.

(2) Tanpa menjejaskan subseksyen (1), mana-mana mahkamah yang di hadapannya seseorang dipertuduh atas kesalahan di bawah Akta ini boleh menaksirkan pampasan yang kena dibayar di bawah seksyen ini dan boleh membuat suatu perintah bagi pembayaran pampasan itu.

Mana-mana perintah sedemikian boleh dikuatkuasakan seolah-olah ia adalah suatu penghakiman di dalam tindakan atau guaman sivil.

Pendakwaan. 42. Maka adalah kompeten bagi Ketua Pengarah atau mana-mana pegawai yang diberikuasa olehnya untuk menjalankan pendakwaan bagi apa-apa kesalahan di bawah Akta ini atau mana-mana peraturan yang dibuat di bawahnya di hadapan mana-mana mahkamah.

Peng-kompaunan. 43. (1) Ketua Pengarah atau mana-mana pegawai yang diberikuasa olehnya boleh mengkompaun apa-apa kesalahan di bawah seksyen 8, 37 (9), 37 (10), 37 (12), 37 (13), 37 (14), 37 (15), 45, 49 (5) atau di bawah mana-mana kaedah atau peraturan yang dibuat di bawahnya, dengan memungut sejumlah wang tidak melebihi satu ribu ringgit daripada orang yang disyaki dengan munasabahnya telah melakukan kesalahan itu.

(2) Menteri boleh membuat kaedah-kaedah atau peraturan-peraturan untuk menetapkan cara dan prosedur bagi mengkompaunkan kesalahan-kesalahan sedemikian.

Hadiah untuk maklumat. 44. Dalam hal suatu sabitan yang melibatkan denda, mahkamah yang mengenakan denda itu boleh, atas permohonan pegawai yang menjalankan pendakwaan, mengarahkan pembayaran kepada orang yang telah memberi maklumat yang membawa kepada sabitan itu akan apa-apa bahagian denda itu tetapi tidak melebihi setengah daripada denda itu mengikut apa-apa kadar sebagaimana yang difikirkan patut oleh mahkamah.

BAHAGIAN X

AM

Langkah awasan semasa melaksanakan kerja. 45. (1) Pelaksanaan semua kerja berkaitan dengan penjanakuasaan atau pembekalan tenaga yang boleh menyentuh apa-apa lebu, rel keretapi, landasan trem, sungai, terusan atau laluan air lain atau apa-apa sistem pengairan, penyaliran atau bekalan air atau apa-apa kerja telegraf, telefon, komunikasi radio, pelabuhan atau kerja awam atau persendirian lain, dan pendirian apa-apa lintasan talian bekalan, sama ada overhed atau bawah

tanah, hendaklah dijalankan mengikut cara yang ditetapkan dan tanpa menjejaskan keselamatan awam atau persendirian.

(2) Mana-mana orang yang melanggar atau gagal mematuhi seksyen ini adalah melakukan suatu kesalahan di bawah Akta ini.

46. (1) Jika Ketua Pengarah berpuas hati bahawa pengerjaan atau pengendalian apa-apa pemasangan menyebabkan gangguan elektrik terhadap mana-mana proses atau litar komunikasi radio, telekomunikasi, telegraf, telefon atau proses atau litar pengisyarat elektrik lain yang dipunyai atau dikendalikan oleh atau bagi pihak Kerajaan Persekutuan atau mana-mana Kerajaan Negeri, atau mana-mana pihak berkuasa bekalan, Ketua Pengarah hendaklah meminta pemunya atau pemegang lesen memberhentikan gangguan itu, dan jika, dalam tempoh empat belas hari atau apa-apa tempoh yang lebih lama sebagaimana yang didapati munasabah oleh Ketua Pengarah mengikut apa-apa hal keadaan tertentu, gangguan itu tidak diberhentikan dengan berkesan, maka Ketua Pengarah hendaklah melaporkan perkara itu kepada Menteri yang boleh menurut budi bicaranya—

Gangguan elektrik terhadap talian pengisyarat Kerajaan.

- (a) dalam hal pemasangan berlesen, memerintahkan penggantungan lesen;
- (b) dalam hal pemasangan tak berlesen, melalui perintah, melarang pengerjaan atau pengendalian pemasangan itu; atau
- (c) dalam hal mana-mana pemasangan lain, melalui perintah, melarang pengerjaan atau pengendalian apa-apa bahagian pemasangan itu yang menyebabkan gangguan elektrik itu.

sehinggalah perkiraan-perkiraan bagi menghalang berlakunya semula gangguan elektrik seperti yang disebut terdahulu telah dibuat sehinggakan memnuaskan hati Ketua Pengarah, dan jika, dalam hal pemasangan berlesen, tiada perkiraan sedemikian telah dibuat, maka Menteri boleh memerintahkan supaya lesen bagi pemasangan tersebut dibatalkan dengan mutlaknyanya.

(2) Bagi apa-apa kerugian yang ditanggung oleh pemegang lesen kerana penggantungan atau pembatalan lesen di bawah seksyen ini, pemegang lesen boleh menuntut pampasan daripada Kerajaan Persekutuan, Kerajaan Negeri atau mana-mana pihak berkuasa bekalan, mengikut mana-mana yang berkenaan:

Dengan syarat bahawa tiada tuntutan boleh dibenarkan dan tiada pampasan boleh dibayar jika gangguan elektrik yang disebut dalam subseksyen (1) telah disebabkan oleh suatu pemasangan yang tidak mematuhi mana-mana peraturan mengenai pengawalseliaan gangguan elektrik yang dibuat di bawah mana-mana undang-undang bertulis yang sedang berkuatkuasa berhubungan dengan telegraf.

(3) Jika tuntutan itu dibenarkan, pampasan hendaklah, melainkan jika diselesaikan melalui persetujuan bersama di antara Kerajaan Persekutuan, Kerajaan Negeri atau pihak berkuasa bekalan, mengikut mana-mana yang berkenaan, dengan pemegang lesen, ditentukan melalui timbangtara.

Langkah awasan terhadap elektrik atmosfera.

47. Mana-mana jabatan Kerajaan Persekutuan atau mana-mana Kerajaan Negeri atau mana-mana pengguna lain yang mengambil atau menggunakan tenaga daripada mana-mana pemasangan hendaklah, jika Ketua Pengarah menghendaki sedemikian, memperuntukkan apa-apa kaedah bagi menghindarkan apa-apa risiko kerosakan kepada pemasangan itu melalui elektrik atmosfera sebagaimana yang diarahkan oleh Ketua Pengarah atau sebagaimana yang ditetapkan melalui peraturan-peraturan di bawah Akta ini.

Sekatan terhadap sambungan dengan bumi.

48. (1) Tiada seorang pun boleh, semasa penjana-kuasaan, penghantaran, pembekalan atau penggunaan tenaga, membenarkan mana-mana bahagian talian bekalannya disambungkan dengan bumi kecuali sebagaimana yang ditetapkan melalui peraturan-peraturan di bawah Akta ini atau dibenarkan dengan nyata oleh Ketua Pengarah.

(2) Sekiranya berlaku pelanggaran subseksyen (1), Ketua Pengarah boleh melalui perintah bertulis menghendaki pemegang lesen atau pemunya mengalihkan

sambungan itu dan boleh melarang penggunaan mana-mana talian atau kerja bekalan atau pemasangan sehinggalah perintah itu dipatuhi, dan tiap-tiap perintah sedemikian hendaklah dipatuhi oleh orang berkenaan.

49. (1) Sekiranya seseorang Pengarah mendapati apa-apa kecacatan pada pemasangan atau bahagiannya yang pada pendapatnya berkemungkinan menyebabkan bahaya, dia boleh, melalui notis bertulis yang disampaikan kepada pemegang lesen atau pemunya, atau jika pemegang lesen atau pemunya itu tidak dapat dijumpai, ditampalkan di tempat di mana pemasangan itu terletak, menghendaki kecacatan itu dibaiki atau dihapuskan dalam apa-apa tempoh sebagaimana yang dinyatakan dalam notis itu, dan dalam hal sedemikian, pemasangan itu atau bahagiannya tidaklah boleh dikendalikan atau digunakan selepas habisnya tempoh yang dinyatakan melainkan jika kecacatan itu telah dibaiki atau dihapuskan sehingga memuaskan hati Pengarah:

Prosedur dalam hal kecacatan berbahaya pada pemasangan atau bahagiannya.

Dengan syarat bahawa, jika Pengarah berpendapat bahawa kecacatan itu mungkin menyebabkan bahaya yang hampir benar berlaku, dia boleh, melalui notis yang ditampalkan atau disampaikan seperti yang disebut terdahulu, dengan serta-merta menggantungkan pengendalian dan penggunaan pemasangan itu, dan jika perlu, melakkan pemasangan itu atau bahagiannya sehingga kecacatan itu dibaiki atau dihapuskan. Pemasangan itu atau bahagiannya tidaklah boleh dikendalikan atau digunakan selagi notis penggantungan itu belum dibatalkan dan lak itu tidak dialihkan oleh seorang Pengarah.

(2) Tiap-tiap pemegang lesen dan tiap-tiap pihak pengurusan dan orang yang menjaga mana-mana pemasangan apabila menyedari akan apa-apa kecacatan padanya yang mungkin menyebabkan bahaya hendaklah dengan serta-merta membaiki atau menghapuskan kecacatan itu, dan tiap-tiap pengguna apabila menyedari akan apa-apa kecacatan pada apa-apa kelengkapan yang mungkin menyebabkan bahaya hendaklah dengan serta-merta membaiki atau menghapuskan kecacatan itu, atau membuat laporan mengenainya kepada Pengarah.

(3) Jika pada pendapat Ketua Pengarah bahawa apa-apa kecacatan pada pemasangan yang berkenaan dengannya sesuatu lesen berkuatkuasa adalah dari jenis yang tidak boleh dibaiki atau dihapuskan, Ketua Pengarah hendaklah mengadakan suatu siasatan dan, jika didapati-nya perlu berbuat demikian, hendaklah mengkenselkan lesen itu.

(4) Pemegang lesen atau pemunya tidak berhak kepada pampasan bagi apa-apa kerugian yang ditanggung oleh pemegang lesen atau pemunya kerana penggantungan pengendalian dan penggunaan, dan pelakan apa-apa pemasangan atau bahagiannya atau kerana penggantungan atau pengkenselan lesen di bawah seksyen ini.

(5) Mana-mana orang yang melanggar atau gagal mematuhi subseksyen (1) dan (2) adalah melakukan suatu kesalahan di bawah Akta ini.

Larangan
mengambil
kanak-kanak
bekerja.

50. (1) Tiada pemegang lesen atau pihak pengurusan boleh mengambil kerja atau membenarkan diambil kerja mana-mana orang di bawah umur enam belas tahun dalam mana-mana perkhidmatan yang melibatkan pengurusan atau penjagaan atau kedekatan dengan, kelengkapan hidup yang tidak ditebat dengan sempurna.

(2) Mana-mana orang yang melanggar seksyen ini adalah melakukan suatu kesalahan dan boleh dikenakan, apabila disabitkan, denda tidak melebihi lima ribu ringgit.

Kuasa-kuasa
khas darurat.

51. (1) Yang di-Pertuan Agong boleh apabila berlakunya apa-apa kerusuhan perindustrian, mogok, sekat-masuk atau apa-apa kejadian lain yang membangkitkan suatu darurat, atau bagi kepentingan keselamatan awam, memberikuasa Ketua Pengarah untuk—

(a) menggantungkan lesen mana-mana pemegang lesen, mengambil milikan sementara mana-mana pemasangan pemegang lesen itu dan mengendalikannya mengikut cara sebagaimana yang difikirkannya patut; atau

(b) menarik balik sama ada sebahagiannya atau keseluruhannya penggunaan mana-mana pemasangan atau kemudahan daripada mana-mana

orang atau golongan orang atau daripada orang awam pada umumnya.

(2) Jika apa-apa keraguan berbangkit tentang kewujudan sesuatu darurat atau sama ada apa-apa tindakan yang dilakukan di bawah subseksyen (1) adalah bagi kepentingan keselamatan awam, maka suatu perakuan yang ditandatangani oleh Yang di-Pertuan Agong dan dipamerkan di mana-mana tempat sebagaimana yang difikirkan wajar oleh Menteri, hendaklah menjadi bukti konklusif mengenai perkara itu.

52. (1) Pihak Berkuasa Negeri di mana-mana Negeri, boleh, atas permintaan Ketua Pengarah bagi pihak mana-mana pemegang lesen, melalui perintah mengisytiharkan mana-mana tasik, sungai atau laluan air atau mana-mana bahagiannya sebagai sumber air bagi maksud-maksud pemegang lesen sebagaimana yang dinyatakan dalam terma dan syarat lesennya dan, apabila membuat perisytiharan itu, Pihak Berkuasa Negeri boleh mengenakan apa-apa syarat dan sekatan yang difikirkannya patut.

Kuasa untuk mengisytiharkan sumber-sumber air.

(2) Walau apa pun apa-apa jua yang terkandung dalam mana-mana undang-undang bertulis, tiada seorang pun boleh mengempangkan atau selainnya mengganggu mana-mana sumber air sedemikian tanpa terlebih dahulu menyampaikan kepada pemegang lesen sama ada secara sendiri atau melalui pos berdaftar suatu notis tiga bulan, dalam apa-apa bentuk yang ditetapkan, yang menyatakan kerja yang hendak diusahakannya.

(3) Pada bila-bila masa sebelum habisnya tempoh masa yang dinyatakan dalam notis itu, pemegang lesen boleh, jika dia mendapati kerja yang disebut dalam subseksyen (2) akan mengganggu secara material fungsi-fungsinya, melalui notis bertulis yang disampaikan kepada orang itu, sama ada secara sendiri atau melalui pos berdaftar—

(a) melarang orang itu meneruskan kerja itu; atau

(b) boleh mengenakan syarat-syarat ke atas perusahaan kerja itu oleh orang itu.

(4) Mana-mana orang yang tidak berpuas hati dengan tindakan yang diambil oleh pemegang lesen di bawah

subseksyen (3) boleh merayu kepada Pihak Berkuasa Negeri yang keputusannya adalah muktamad.

(5) Mana-mana orang yang—

- (a) mengempangkan atau selir...ya mengganggu mana-mana sumber air yang diisytiharkan di bawah subseksyen (1) tanpa menyampaikan notis yang dikehendaki oleh subseksyen (2);
- (b) mengusahakan apa-apa kerja yang dilarang di bawah seksyen ini; atau
- (c) gagal mematuhi mana-mana syarat yang dikenakan di bawah seksyen ini,

adalah melakukan suatu kesalahan dan boleh dikenakan, apabila disabitkan, denda tidak melebihi satu ribu ringgit, dan denda tambahan tidak melebihi satu ratus ringgit bagi tiap-tiap hari atau sebahagian daripada sehari selama kesalahan itu berterusan selepas sabitan.

(6) Walau apa pun apa-apa perisytiharan yang dibuat di bawah subseksyen (1), tiada apa-apa jua dalam seksyen ini boleh menyentuh apa-apa lesen yang diberikan tidak kurang daripada dua puluh lima tahun sebelum tarikh perisytiharan itu di bawah mana-mana undang-undang bertulis untuk melencongkan air dari mana-mana tasik, sungai atau laluan air, bagi maksud suatu pemasangan awam, yang pemegangnya belum, pada pendapat Pihak Berkuasa Negeri, menggunakan dengan munasabah hak-hak yang berbangkit daripada lesen yang berkaitan dengan mana-mana tasik, sungai, laluan air atau bahagiannya yang diisytiharkan sebagai sumber air bagi maksud-maksud pemasangan itu.

BAHAGIAN XI

KUASA UNTUK MEMBUAT PERATURAN-PERATURAN

Kuasa untuk
membuat
peraturan-
peraturan.

53. Menteri boleh membuat peraturan-peraturan berkenaan dengan mana-mana perkara yang ditetapkan di bawah Akta ini dan khususnya—

- (a) fungsi dan tugas mana-mana Ketua Pengarah, Pengarah atau pegawai yang dilantik di bawah seksyen 3;

- (b) lat-lat tempoh, waktu dan cara bagaimana apa-apa pemasangan atau kelengkapan hendak diperiksa, notis (jika ada) yang hendak diberi berhubungan dengan pemeriksaan-pemeriksaan dan persediaan-persediaan yang hendak dibuat oleh pemegang lesen atau mana-mana pihak pengurusan untuk pemeriksaan-pemeriksaan;
- (c) standard dan spesifikasi minimum yang hendak digunakan dalam rekabentuk, pembinaan, perlindungan dan penyenggaraan pemasangan dan kelengkapan, syarat-syarat yang di bawahnya apa-apa pemasangan atau kelengkapan hendak dikerjakan atau dikendalikan dan larangan ke atas penggunaan kelengkapan berbahaya;
- (d) cara bagaimana tenaga hendak disukat dan standard sukatan yang hendak digunakan dan cara bagaimana tenaga dibenarkan atau dilarang dibekalkan atau digunakan;
- (e) standard yang hendak diterimapakai bagi pengukuran dimensi-dimensi mana-mana pemasangan atau kelengkapan;
- (f) cara pengawalseliaan dan had-had perubahan jenis, voltan dan frekuensi tenaga yang dibekalkan;
- (g) kelas atau rekabentuk dawai, lekapan dan kelengkapan yang hendak digunakan dan cara bagaimana dawai, lekapan dan kelengkapan itu hendak didirikan, dipasang, disusun, dilindungi, dikawal, diperiksa, diuji dan disenggarakan;
- (h) fee-fee yang kena dibayar bagi lesen dan Perakuan Pendaftaran pemasangan dan apa-apa fee lain yang dikehendaki ditetapkan di bawah Akta ini;
- (i) bentuk dan kandungan lesen dan syarat-syarat yang hendak ditetapkan, bentuk dan tempoh keesahan Perakuan Pendaftaran dan syarat-syarat bagi penggantungan, perlanjutan dan pembatalan lesen dan Perakuan Pendaftaran;

- (j) kelayakan minimum yang perlu dimiliki oleh seseorang sebelum dia boleh diamanahkan dengan perancangan, pembinaan, pendirian, pengujian, pengendalian, penyenggaraan, pembaikan atau pengubahpindaan apa-apa pemasangan, loji atau kelengkapan atau dengan jagaan, kawalan atau kendalian mana-mana pemasangan, loji atau kelengkapan;
- (k) jenis ujian yang hendak digunakan bagi menentukan sama ada mana-mana orang yang memiliki kelayakan-kelayakan perlu yang ditetapkan bagi maksud kawalan kompeten dan maksud-maksud lain, dan pengeluaran, penggantungan atau pembatalan perakuan-perakuan kekompetenan, dan untuk menetapkan fee-fee yang kena dibayar bagi ujian dan perakuan sedemikian;
- (l) pendaftaran dan pengelasan kontraktor pendawaian, kontraktor tanda elektrik, pengilang papan suis dan orang-orang kompeten, dan untuk menetapkan fee bagi pendaftaran sedemikian;
- (m) langkah-langkah yang hendak diambil dan kelengkapan yang hendak dibekalkan dan digunakan berkaitan dengan pemasangan untuk menjamin keselamatan awam dan persendirian;
- (n) langkah-langkah awasan yang hendak diambil untuk melepaskan mana-mana orang daripada mengawal apa-apa pemasangan, loji atau kelengkapan dan cara memberitahu Pengarah mengenai nama-nama dan kelayakan-kelayakan mana-mana orang yang ditempatkan untuk mengawal mana-mana pemasangan dan mengenai pengendalian mana-mana loji atau kelengkapan;
- (o) cara pengiraan kuasa janakuasa dan motor;
- (p) cara menentukan pertikaian, mengadakan siasatan dan timbangtara di bawah Akta ini;

- (q) bentuk notis dan cara penyampaiannya;
- (r) taksiran dan kelulusan, di mana-mana perlu, apa-apa kelengkapan domestik atau kelengkapan lain yang hendak dikilangkan, diimport, dipamerkan, dijual, diiklankan, dipasang atau digunakan dan untuk menetapkan fee-fee yang kena dibayar mengenainya;
- (s) peruntukan-peruntukan bagi pemegang-pemegang lesen mengenai perkara-perkara yang berkenaan dengan—
 - (i) pemeriksaan mana-mana pemasangan atau bahagiannya;
 - (ii) pendirian dan pemasangan lampu awam;
 - (iii) pemotongan pembekalan tenaga; dan
 - (iv) apa-apa perkara lain yang berkaitan dengannya;
- (t) pengemukaan pernyataan-pernyataan kewangan dan laporan-laporan teraudit oleh pemegang lesen itu;
- (u) cara pelaksanaan kerja-kerja yang berkaitan dengan penjanakuasaan atau pembekalan tenaga tanpa menjejaskan keselamatan awam atau persendirian;
- (v) kaedah-kaedah yang hendak diterimapakai sama ada melalui larangan atau selainnya, untuk mencegah atau memberhentikan apa-apa kacauganggu yang mungkin berbangkit atau yang berbangkit daripada pengerjaan mana-mana pemasangan, loji atau kelengkapan;
- (w) fee-fee yang kena dibayar berkenaan dengan pemeriksaan, pengujian dan penyenggaraan pemasangan dan radas pengguna, berkenaan dengan pemasangan dan pengujian meter, dan berkenaan dengan apa-apa perkhidmatan lain yang diberikan dengan sewajarnya kerana pengguna;
- (x) pengawalseliaan perhubungan di antara pemegang lesen dan pengguna, misalnya

peruntukan-peruntukan mengenai pendapatan kembali caj-caj bagi pembekalan, penyambungan, pemotongan dan pemulangan bekalan elektrik oleh pemegang lesen, kemasukan ke dalam mana-mana premis oleh pemegang lesen atau pegawai-pegawai diberikuasanya bagi maksud-maksud yang berhubungan dengan pembekalan, penyambungan, pemotongan atau pemulangan bekalan, kemasukan bagi maksud-maksud menggantikan, membaiki atau mengubahpinda mana-mana talian elektrik atau loji atau kelengkapan elektrik dan bentuk apa-apa notis yang dikehendaki; dan

- (y) apa-apa perkara lain yang pada amnya menguatkuasakan peruntukan-peruntukan Akta ini.

BAHAGIAN XII

PELBAGAI

Pengecualian. 54. Menteri boleh melalui pemberitahuan dalam *Warta* mengecualikan daripada mana-mana atau semua peruntukan Akta ini atau mana-mana peraturan yang dibuat di bawahnya—

- (a) apa-apa pemasangan, atau bahagiannya, yang dipunyai oleh atau dikerjakan oleh atau bagi pihak mana-mana pihak berkuasa bekalan;
- (b) apa-apa kelas pemasangan, loji atau kelengkapan tertentu lain,

dan boleh, melalui pemberitahuan yang seumpamanya, mengkenselkan apa-apa pengecualian yang diberitahu sedemikian.

Peruntukan peralihan dan sekatan yang dikenakan pada lesen yang dikeluarkan sebelum Akta ini.

55. (1) Apa-apa lesen bagi mana-mana pemasangan persendirian atau awam yang diberikan kepada mana-mana orang di bawah mana-mana undang-undang bertulis yang dimasyhurkan sebelum Akta ini hendaklah disifatkan telah diberikan di bawah Akta ini dan hendaklah terus sah sehingga ia dibatalkan di bawah Akta ini dan peruntukan-

peruntukan Akta ini hendaklah terpakai kepada orang itu seolah-olah dia adalah pemegang lesen di bawah Akta ini.

(2) Walau apa pun apa-apa jua yang terkandung dalam mana-mana lesen bagi suatu pemasangan awam yang dikeluarkan di bawah mana-mana undang-undang bertulis yang dimasyhurkan sebelum Akta ini, tiada pemegang mana-mana lesen sedemikian boleh, tanpa kelulusan terdahulu daripada Ketua Pengarah—

- (a) memperolehi mana-mana tanah atau bangunan bagi maksud-maksud apa-apa pemasangan;
- (b) memulakan apa-apa skim baru bagi pembekalan tenaga;
- (c) memperbesarkan mana-mana pemasangan atau kawasan bekalan yang ada; atau
- (d) memasang apa-apa loji atau kelengkapan baru atau menggantikan mana-mana loji atau kelengkapan yang ada bagi maksud-maksud pemasangan itu.

Kegagalan mematuhi subseksyen ini boleh menyebabkan lesen pemegang lesen dibatalkan menurut budi bicara Ketua Pengarah.

56. (1) Akta Elektrik 1949 dan Akta Jemaah Pemeriksa Elektrik 1983 adalah dengan ini dimansuhkan.

Pemansuhan
Akta Elektrik
1949 dan
Akta Jemaah
Pemeriksa
Elektrik 1983
dan keruaian
berkenaan
dengannya.
Akta 116
Akta 277

(2) Mana-mana peraturan yang dibuat di bawah Akta Jemaah Pemeriksa Elektrik 1983 hendaklah terus berkuatkuasa sehingga dibatalkan atau digantikan oleh peraturan-peraturan yang dibuat di bawah Akta ini.

(3) Menteri boleh, bilamasa temyata kepadanya perlu atau suaimanfaat berbuat demikian sama ada bagi maksud menghapuskan kesulitan atau berbangkitan daripada terlulusnya Akta ini, melalui perintah membuat apa-apa ubahsuaian pada mana-mana peruntukan dalam mana-mana peraturan dalam subseksyen (2) sebagaimana yang difikirkannya patut.

[Jadual 1]

64

AKTA 447

JADUAL PERTAMA
(Seksyen 11 (2))

MALAYSIA

NEGERI.....

AKTA BEKALAN ELEKTRIK 1990

*NOTIS CADANGAN MEMASUKI DAN MELAKUKAN
KERJA ATAS TANAH DI BAWAH SEKSYEN 11*

Kepada:

Hakmilik atau perihalan lain tanah.....

Sila ambil perhatian bahawa saya/kami.....

.....yang beralamat di.....

adalah pemegang lesen yang bertarikh.....di bawah
Akta Bekalan Elektrik 1990 berhasrat memasuki tanah yang tersebut
di atas bagi maksud (di sini nyatakan dengan sepenuhnya dan
setepatnya yang mungkin apa yang dicadangkan hendak dilakukan).

Dalam masa empat belas hari dari tarikh penerimaan notis ini anda
boleh menyerahkan suatu bantahan sama ada secara lisan atau bertulis
kepada Pentadbir Tanah Daerah di.....

Pentadbir Tanah Daerah telah menentukan.....
sebagai hari yang bantahan itu akan didengar.

Melainkan jika anda menyerahkan suatu bantahan dalam masa yang
dinyatakan, adalah menjadi anggapan bahawa anda telah mengizinkan
kemasukan saya/kami ke tanah itu mengikut terma-terma notis ini.

Anda akan dibayar pampasan yang sepatutnya bagi apa-apa
kerusakan yang dilakukan.

Bertarikh pada.....hb.....19.....

.....
Pemegang lesen

BEKALAN ELEKTRIK

JADUAL KEDUA
(Seksyen 11 (7))

MALAYSIA

NEGERI.....

AKTA BEKALAN ELEKTRIK 1990

*PERINTAH PENTADBIR TANAH DAERAH BERKENAAN DENGAN
BANTAHAN TERHADAP KEMASUKAN ATAS TANAH*

Kepada:

Dalam hal sesuatu siasatan yang diadakan di bawah seksyen 11 (6) Akta Bekalan Elektrik 1990 di antara pemegang lesen dan pemunya tanah yang terletak di Lot No.
Hakmilik No., Mukim.....

Suatu siasatan telah diadakan pada.....
di hadapan..... Pentadbir Tanah Daerah
.....dalam kehadiran.....
bagi pihak pemegang lesen dan..... bagi pihak pemunya tanah.

Selepas mengadakan siasatan, adalah dengan ini diperintahkan seperti berikut:

- *(a) pemegang lesen dibenarkan memasuki tanah tersebut untuk melakukan kerja-kerja sebagaimana yang dinyatakan dalam notis yang dikeluarkan di bawah seksyen 11 (2) Akta Bekalan Elektrik 1990.
- *(b) pemegang lesen dibenarkan memasuki tanah tersebut untuk melakukan kerja-kerja sebagaimana yang dinyatakan dalam notis yang dikeluarkan di bawah seksyen 11 (2) Akta Bekalan Elektrik 1990 tertakluk kepada syarat-syarat yang berikut:
 - (i)
 - (ii)
 - (iii)
 - (iv)(nyatakan syarat-syarat)

[Jadual 2-3]

66

AKTA 447

*(c) pemegang lesen tidak dibenarkan memasuki tanah tersebut untuk melakukan kerja-kerja yang dinyatakan dalam notis yang dikeluarkan di bawah seksyen 11 (2) Akta Bekalan Elektrik 1990.

Bertarikh pada.....hb.....19.....

.....
Pentadbir Tanah Daerah

.....
 * potong mana-mana yang tidak berkenaan.

—
 JADUAL KETIGA
 (Seksyen 16 (1))

MALAYSIA

NEGERI.....

AKTA BEKALAN ELEKTRIK 1990

PENAKSIRAN

Kepada:

Dalam hal siasatan bagi pembayaran pampasan di bawah seksyen 10*, 11* atau 13* Akta Bekalan Elektrik 1990 di antara pemegang lesen dan pemunya tanah yang terletak di Lot No.

Hakmilik No., Mukim.....

Suatu siasatan telah diadakan pada.....di hadapan.....Pentadbir Tanah Daerah.....dalam kehadiran.....bagi pihak pemegang lesen danbagi pihak pemunya tanah.

Selepas mengadakan siasatan, adalah dengan ini diperintahkan bahawa pampasan yang kena dibayar oleh pemegang lesen kepada pemunya tanah adalah seperti berikut:

Bertarikh pada.....hb.....19.....

.....
Pentadbir Tanah Daerah

.....
 * potong mana-mana yang tidak berkenaan.

Bulu Mata